

左傳

卷二十至卷二十二



文公
宣公

諸暨圖書館
ZHUJI LIBRARY



諸暨圖書館
— ZHUJI LIBRARY —

00039



諸暨圖書館
— ZHUJI LIBRARY —

000300

諸暨圖書館
— ZHUJI LIBRARY —

6000



諸暨圖書館
— ZHUJI LIBRARY —



諸暨圖書館
— ZHUJI LIBRARY —

春秋左傳註疏卷第二

二十

十八

晉杜氏

氏謹

唐孔穎達疏

經十有六年春季孫行父會齊侯于陽穀齊侯弗及盟

及與也

夏五月公四不視朔**諸**侯每月必告朔聽政因朝於

廟今公以疾闕不得視二月三月四月五月朔也春

秋十二公以疾不視朔非一也義無所取故特舉此

以表行事因明公之實有疾非詐齊

諸侯至詐齊○正義曰

天子頒朔於諸侯諸侯受而藏之於祖廟每月之朔以特羊告廟受而施行之遂聽治此月之政謂之視朔因其日又以朝享之禮祭皇考以下謂之朝廟此年公疾自二月至於五月已經四月不得視朔故書公四不視朔傳稱正月及齊平公有疾使季文子會齊侯則正月初疾不得視二月朔至五月而四故知不得視二月三月四月五月朔也春秋十二公二百四十二年計有三千餘月公以疾不視朔當非一也餘皆不書而此獨書者公身有疾不得視朔國事不廢義無所取因此齊侯疑公故特舉此以表行事餘皆從可知也釋例曰魯之羣公以疾不視朔多矣因有事而見一比猶釋不朝正之義是其事也又於時齊侯不信公實有疾書此者且明公實有疾非詐齊也史之所書當書其始不於二月書之而以五月書者二月公始有疾未知來月瘳否不得豫書其數至六月公瘳乃積前數之闕故以五月書四也昭二十三年公如晉至河有疾乃復彼書有疾此不言有疾者在道而還容有他故昭十二年十三年公如

晉至河乃復皆為晉大辭公而還非為疾也故須書有疾以辯之公不視朔惟有疾耳無所分辯故不書疾也告朔謂告於祖廟視朔謂聽治月政視朔由公疾而廢其告朔或有司告之不必廢也論語云子貢欲去告朔之餼羊必是廢其禮而羊在蓋從是以後更有不告朔者故欲去其羊耳六年閏月不告月書經以譏之在後若不告朔不復書之者蓋以閏月不告其譏已明故於後不復譏之閏二年吉禘于莊公已譏其速文二年大事于太廟不復譏之當亦如彼之類不重譏也

六月戊辰公子遂及齊侯盟于鄆丘信公疾且以賂

故鄆丘齊地

鄆音西又七西反

秋八月辛未夫人姜氏薨信公夫人文公母也

毀泉臺

泉臺臺名毀壞之也

音怪

楚人秦人巴人滅庸○巴必麻反

冬十有一月宋人弑其君杵臼稱君君無道也例在

宣四年○杵昌呂反曰強柳反

傳十六年春王正月及齊平齊前年再伐魯魯為

受弱故平○為于偽反公有疾使季文子會齊侯于陽穀

請盟齊侯不肯曰請侯君間間疾瘳○間如字瘳救周反差也

○夏五月公四不視朔疾也公使襄仲納賂于齊侯

故盟于鄆丘○有蛇自泉宮出入于國如先君之數

註伯禽至僖公十七君○伯禽至僖公十七君史記魯世家魯公伯禽子考公蒞

弟煬公熙子幽公宰弟魏公費子厲公躍子鄭公
子順公溲弟武公敖子懿公獻弟孝公稱子惠公弗
皇子隱公息姑弟桓公允子莊公同子閔公開兄
信公申十七也魏公世本作徽公順公一作慎公

伯禽至七君正義曰魯世家魯公伯禽子者公

苗弟煬公熙子幽公圍弟徽公潰子厲公擢弟獻公

具子順公溲弟武公敖子懿公戲弟孝公稱子惠公

弗皇子隱公息姑弟桓公允子莊公同子閔公開兄

信公申周公不之魯從

魯公數之為十七君也

秋八月辛未聲姜薨毀泉臺

魯公以為蛇妖所出而聲姜薨故壞之

臺○正義曰蛇自宮出而毀其臺則臺在宮內人見

從宮而出毀臺并毀其宮也○**魯公至壞之**○正

義曰人見蛇出而姜薨以為臺是妖之穴仍謂此處

有妖更將為害毀之所以絕其源安民意也故釋例

曰眾蛇自泉臺出如先君之數入於國聲姜之薨適

與妖會而國以為災遂毀泉臺書毀而不變文以示

義者君人之心一國之俗須此為安故不譏也以不變文知不譏也不書蛇入國者鸚鵡非魯國之有故書其所無蛇是魯地所有姜薨不由此蛇凡物不為災則不書也 ○楚大饑戎伐其

西南至于阜山師于夫林又伐其東南至于陽丘以

侵訾枝戎山夷也大林陽丘訾枝皆楚邑 ○饑音

機訾子稱則曰東夷西戎南蠻北狄其當處立名

斯反則各從方號故北戎病燕齊侯伐山戎北方得有戎

故楚西亦有戎戎是山間之民夷為四方總號故云

戎山夷也庸人帥羣蠻以叛楚庸今上庸縣屬楚之小

國麋人率百濮聚於選將伐楚選楚地百濮夷也

○麋九倫反濮音卜選楚地百濮夷也 ○正義選息衮反又息戀反日將欲伐楚聚於此地故知

是楚地也牧誓武王伐紂有庸濮從之孔安國云庸
濮在江漢之南是濮為西南夷也釋例曰建寧郡南
有濮夷濮夷無君長總統各以邑落自聚故
稱百濮也下云各走其邑是無君長統之

息之北門不啓

國

備中國

國

申息之北門不啓。正
義曰申息北接中國有

寇比從北來故二
邑北門不敢開也

楚人謀徙於阪高

國

楚險地。阪
音反

一音扶
版反

蔞賈曰不可我能往寇亦能往不如伐庸夫

麋與百濮謂我饑不能師故伐我也若我出師必懼

而歸百濮離居將各走其邑誰暇謀人乃出師旬有

五日百濮乃罷

國

濮夷無屯聚見難則散歸

○蔞于
委反屯

徒門反聚才住反又如
字難乃且反又如字

自廬以往振廩同食

國 往往

伐庸也振發也廩倉也同食上下無異饌也

廬力於反又

音盧廩力甚反

次于句滋

楚西界地

○句古侯反

澁市世反

使廬戢

黎侵庸

戰黎廬大夫及庸方城

方城庸地上庸

縣東有方城亭庸人逐之囚子揚窻

○窻初江反 三宿而逸曰庸師衆羣蠻聚焉不如復大師

還復句澁師且起王卒合而後進師叔曰不可

師叔楚大夫潘虺也 ○卒子忽反 姑又與之遇以驕

之彼驕我怒而後可克先君蚡冒所以服陘隰也

蚡冒楚武王父陘隰地名 ○可克或作可擊蚡扶粉反冒莫報反史記楚世家

云蚡冒卒弟熊達殺蚡冒子而代立
是為楚武王與杜異陘音刑隰音習
劉炫云按楚世家蚡冒卒弟熊達殺蚡冒子而代立
是為楚武王則蚡冒是兄不得為父今知不然者以
世家之文多有紕繆與經傳異者非是一條杜氏非
不見其文但見而不用耳劉以世家而規杜非也言
服陘隰則陘隰本是他國蚡冒始服之也釋例陘隰
與僖四年次于陘為一地潁川召陵縣南有陘亭楚
自武王始居江漢之間則蚡冒之時未至中
土不應已能越申息服潁川之邑疑非也 又與之

遇七遇皆北 **音** 軍走曰北 **音** 北如字 唯裊魚人實

逐之 **音** 裊魚庸三邑魚魚復縣今巴東永安縣輕

楚故但使三邑人逐之 **音** 裊直雷反 庸人曰楚不足

與戰矣遂不設備楚子乘驛會師于臨品 **音** 驛傳車

也臨品地名

○驛人實反
傳丁戀反

驛

驛傳車也○正義曰
釋言云驛傳也舍人曰

驛尊者之傳也郭璞
曰傳車驛馬之名也

分爲二隊

驛隊部也兩道攻之

○隊徒對
反註同

子越自石溪子貝自仞以伐庸

庸子越鬪

椒也石溪仞入庸道

○溪苦兮反本又作谿貝浦蓋
反今俗本多作員音云仞人慎

反秦人巴人從楚師羣蠻從楚子盟

蠻見楚強故

遂滅庸

庸傳言楚有謀臣所以興

○宋公子鮑禮於

國人

○鮑步
卯反

宋饑竭其粟而

貸之年自七十以上無不饋詒也時加羞珍異

羞

進也

○上時掌反饋其媿反詒
以支反又以志反遺也

無日不數於六卿之

門

數不疏

○數音朔註同

國之材人無不事也

有賢材

者親自桓以下無不恤也

桓鮑之曾祖

恤也

宋公至

○恤也

正義曰禮於國人總言接待之也竭其粟而貸與國之飢民也禮與人物曰饋詒遺也饋詒皆是與人物之名也民年七十以上無有不饋遺以飲食也珍異謂非常美食羞進也時加進珍異者謂四時初出珍異之物也無有一日不數數於六卿之門言參請不絕也國之賢材之人無不事公子皆事之也其族親自桓公以下子孫無不恤公子皆賑恤之也

之

鮑適祖母

○豔以驗反適丁歷反

而不可

以禮防閑夫

人助之施昭公無道國人奉公子鮑以因夫人於是

華元為右師

華元督曾孫代公子成

○施式

鼓反

華

及古

元督曾孫。○正義曰：世本云：華督生世子公孫友，為家家生華孫御事，事生華元，右師是也。

左師華耦為司馬。代公子印鱗，鱗為司徒，蕩意諸

為司城，公子朝為司寇。代華御事。○鱗，古亂，初司

城蕩卒，公孫壽辭司城。壽蕩之子，請使意諸為之

意諸壽之子，既而告人曰：君無道，吾官近懼及焉。

禍及已，棄官則族無所庇。子身之貳也，姑紓死焉。

姑，且也，紓，緩也。○庇，必利反。又，雖亡子，猶不亡族。

已在故也。既，夫人將使公田孟諸而殺之，公知之。

盍以實行蕩意諸曰：盍適諸侯。公曰：不能具大夫至。

于君祖母以及國人國君祖母諸侯祖母之稱謂襄

夫人

○盍戶臘反 稱尸證反

國

君祖至夫人○正義曰哀十六年傳蒯賸告周云蒯賸得罪

于君父君母謂母為君母則祖母為君祖母矣故云君祖母者諸侯祖母之稱也昭公成公之子襄公之

孫故襄夫人是其祖母也諸侯誰納我且既為人君而又為人臣

不如死盡以其寶賜左右以國使行國行去也夫人使

謂司城去公對曰臣之而逃其難若後君何國言無

以事後君○難乃旦反○冬十一月甲寅宋昭公將田孟

諸未至夫人王姬使帥甸攻而殺之國襄夫人周襄

王妹故稱王姬帥甸郊甸之帥○甸徒近反國襄夫至

義曰周禮載師云以宅田士田賈田任近郊之地以
 官田牛田賞田牧田任遠郊之地以公邑之田任甸
 地以家邑之田任稍地以小都之田任縣地以大都
 之田任疆地凡任地近郊十一遠郊二十而三甸稍
 縣都皆無過十二彼從國都而出計遠近節級而別
 為之名鄭玄引司馬法王國百里為郊二百里為州
 甸三百里為野稍四百里為縣五百里為都諸侯之
 與天子竟雖不同亦當近國為郊郊外為甸天子之
 甸為公邑之田則諸侯之甸亦公邑也帥甸者甸地
 之帥當是公邑之大夫也獨言帥甸無以相明故舉
 類言之云郊甸之帥其實正是甸地之帥非郊地之帥也蕩意諸死之不書不

告書曰宋人弑其君杵臼君無道也始例發於臣

之罪今稱國人故重明君罪用反始例至君

宣四年傳例曰凡弑君稱君君無道也稱臣臣之罪也彼是弑君大例經下註云例在宣四年指彼例也

彼雖在此之後乃是例之初始故謂彼為始例彼因
歸生弑君而發傳例是始例發於臣之罪也此稱宋
人弑其君文異於彼故重明君罪謂與彼例為重
也釋例曰鄭靈宋昭文異而例同重發以同之

公即位使母弟須為司城國代意諸華耦卒而使蕩

虺為司馬國虺意諸之弟○虺況

鬼反

經十有七年春晉人衛人陳人鄭人伐宋國自閔僖以

下終於春秋陳侯常在衛侯上今大夫會在衛下傳

不言陳公孫寧後至則寧位非上卿故也國自閔

至故也

○正義曰釋例班序譜自隱至莊十四年四十三歲
衛與陳凡四會衛在陳上莊十五年盡僖十七年三
十五歲凡八會陳在衛上莊十六年幽盟之下註云
齊桓始霸楚亦始彊陳侯介於二大國之間而為三

恪之官故齊桓因而進之遂班在衛上終於春秋但齊桓升陳於衛上乃在莊之中年不得以莊為始故云自閔僖以下終於春秋陳侯常在衛上也今此大夫會伐宋貶之稱人而陳在衛下襄二十六年澶淵之會傳稱宋向戌後至退在鄭良霄之下此傳具歷序大夫之名不言公孫寧以後至被退成三年傳曰次國之上卿當大國之中中當其下下當其上大夫彼言大夫位有尊卑次序以之升降則公孫寧位非上卿故降在衛下也檢春秋上下亦有後至無傳而杜云後至者則秦小子憇是也案彼則公孫寧未必非後至但杜弘通兩解故云非上卿耳

夏四月癸亥葬我小君聲姜

齊侯伐我西鄙

西

當為北蓋經誤

○西當為

西

當為

北蓋經誤。正義曰經言西鄙傳言北鄙服虔以為西來伐魯西鄙書北鄙不書諱仍見伐按經十五年

秋齊人侵我西鄙冬齊侯侵我西鄙僖二十六年春齊人侵我西鄙夏齊人伐我北鄙皆仍見侵伐書而不諱此何獨諱而不書凡言諱者諱國惡也齊侯無道而伐我我非有惡而可諱何以諱其仍伐故知正是一事經文誤耳知非傳誤者魯求與平即盟于穀穀是濟北穀城縣也穀在魯北知北鄙是也

月癸未公及齊侯盟于穀

諸侯會于扈昭公雖以無道見弑而文公猶宜以弑

君受討故林父伐宋以失所稱人晉侯平宋以無功

不序明君雖不君臣不可不臣所以督大教

音試昭公至大教。正義曰弑君稱君君之罪

下同者欲以懲制人君使為鑒戒不書弑者之名以見君亦合死其君雖則合死要非臣所得弑故文公宜以弑君受討林父稱人諸侯不序責死者罪弑

者所以督大教大教謂尊君卑臣之教也

秋公至自穀無傳

冬公子遂如齊

傳十七年春晉荀林父衛孔達陳公孫寧鄭石楚伐

宋討曰何故弑君猶立文公而還卿不書失其所也

國卿不書謂稱人○夏四月癸亥葬聲姜有齊難是

以緩**國**過五月之例○難乃旦反○齊侯伐我北鄙

襄仲請盟六月盟于穀**國**晉不能救魯故請服○晉

侯蒞于黃父**國**一名黑壤晉地○父音甫遂復合諸

壤如丈反

侯于扈平宋也

國

傳不列諸國而言復合則如上十

五年會扈之諸侯可知也

○復扶又反註同

公不與會齊難

故也書曰諸侯無功也

國

刺欲平宋而復不能

○與音預

於是晉侯不見鄭伯以為貳於楚也鄭子家使執訊

而與之書以告趙宣子

國

執訊通訊問之官為書與

宣子

○訊音信

國

使執訊而與之書○正義曰使執訊使

以告宣子

曰寡君即位三年

國

魯文二年召蔡侯而與之

事君九月蔡侯入于敝邑以行

國

行朝晉也敝邑以

侯宣多之難寡君是以不得與蔡侯偕

國

宣多既立

穆公恃寵專權音皆十一月克減侯宣多而隨蔡侯

以朝于執事音皆減損也難未盡而行言汲汲于晉朝

音急十二年六月歸生佐寡君之嫡夷音急歸生子家

名夷大子名音急嫡音急以請陳侯于楚而朝諸君音急請

陳于楚與俱朝晉十四年七月寡君又朝以蕝陳事

蕝蕝救也救成前好呼報反蕝救展反前好蕝救也

蕝之為救無正訓也先儒相傳為然賈服皆云蕝救也十五年五月陳侯自啟

邑往朝于君往年正月燭之武往朝夷也將夷往

晉初八月柔君又往朝以陳蔡之密邇於楚而不攻

貳焉則做邑之故也密邇比近也雖做邑

之事君何以不免免免罪也在位之中一朝于襄

襄公而再見于君君靈公也

一朝至于君正義曰鄭穆公以僖三十三年即位

見于君十四年七月往年八月也或者十四年七月

往朝夷八月寡夷與孤之二三臣相及於絳孤之

二三臣謂燭之武歸生自謂也絳晉國都孤之二

正義曰禮諸侯與臣民言自謂寡人小國之君自稱

曰孤臣與他國之人言稱已君為寡君此歸生對晉

稱已君當云寡君之二三臣昭十九年子產對晉人

鄭伯身自對晉或自稱孤雖我小國則蔑以過之矣

歸生因即以孤言其君也今大國曰爾未逞吾志敝邑有亡無以加焉古人有

言曰畏首畏尾身其餘幾言首尾有畏則身中不

畏者少○幾居豈反又曰鹿死不擇音音所荻蔭之處

古字聲同皆相假借○荻虛求反音所至假借

云鹿荻蔭也舍人曰鹿蔽也荻依止也郭璞曰今俗

呼樹蔭為荻杜意言本當作蔭古字聲同皆相假借

故傳作音言鹿死不擇鹿蔭之處喻已不擇所從之

國欲從楚也服虔云鹿得美草呦呦相呼至於困迫

將死不暇復擇善音急之至也劉炫從服說以為音

聲謂不擇音聲而出之而難杜今知不然者以傳云

鋌而走險急何能擇言走險論其依止之處以其怖

急得險則停不能選擇寬靜荻蔭之所傳文所論止

言其出處所在不論音聲好惡故杜
不依服義劉以為音聲而規杜非也
小國之事大國

也德則其人也國以德加已則以人道相事不德則

其鹿也鋌而走險急何能擇國鋌疾走貌言急則欲

蔭芘於楚如鹿赴險國鋌他頃反芘必利反國鋌疾走

貌國正義曰鋌文連走故為疾走貌命之罔極亦知亡矣國言晉命無

極將悉做賦以待於儵唯執事命之國儵晉鄭之竟

言欲以兵距晉國儵直留反竟音境文公二年六月壬申朝于

齊國鄭文二年六月壬申魯莊二十三年六月二十

四日四年二月壬戌為齊侵蔡國魯莊二十五年二

月無壬戌壬戌三月二十日

○為于偽反

亦獲成於楚

鄭與楚成居大國之間而從於強令豈其罪也

號令也大國若弗圖無所逃命晉鞏朔行成於鄭趙

穿公壻池為質焉

趙穿卿也公壻池晉侯女壻

鞏

九勇反質音致下同 ○秋周甘歆敗戎于邠垂乘其飲酒也

歆周大夫邠垂周地河南新城縣北有垂亭為成元

年晉侯平戎于王張本 ○歆昌欲反邠於蕃反 ○冬十月鄭大

子夷石楚為質于晉 夷靈公也石楚鄭大夫 ○襄

仲如齊拜穀之匪復曰臣聞齊人將食魯之麥以臣

觀之將不能齊君之語偷臧文仲有言曰民主偷必

死

偷猶苟且

○偷他
侯反

經十有八年春王二月丁丑公薨于臺下

秦伯罃卒

無傳未同盟而赴以名

○罃於
耕反

夏五月戊戌齊人弑其君商人

不稱盜罪商人

稱盜罪商人。正義曰弑君稱臣臣之罪賤臣弑君則稱盜哀四年盜殺蔡侯申是也盜字當臣名之處以賤不得書名變文謂之盜耳此弑商人者郈歆閻職亦應書盜不稱盜弑者罪商人今從弑君稱君之例也

六月癸酉葬我君文公

秋公子遂叔孫得臣如齊書二卿以兩事行非相為

介音界使不書介儻二十六年公子遂臧孫辰如

楚乞師書遂不書辰是其正也襄十四年季孫宿叔

老竝書之者晉人敬之自爾以後晉人輕魯幣而益

敬其使故特兩書之於法不應書也此傳稱惠公立

故且拜葬是以兩事行非相為介故竝書之耳定六

年季孫斯仲孫何忌如晉傳稱桓子獻鄭俘孟孫報

夫人之幣亦以兩事行故竝書之但彼非是同時受

命經應各自為文但以晉人輕之故不各自別書與此意少異也

冬十月子卒先君既葬不稱君者魯人諱弒以未成

君書之子在喪之稱弒申志反本又先君至

義曰齊公子商人弒其君舍以先君既葬故稱君也

此亦先君既葬不稱君者魯人諱弒成君以未成君

書之也子者葬前在喪之稱也若言猶在喪而自卒然諱之也釋例曰公子惡魯之正適嗣位免喪則魯君也襄仲舒倚齊而弑之國以爲諱故不稱君若言君之子也

夫人姜氏歸于齊

季孫行父如齊

無傳

莒弑其君庶其

稱君

君無道也

稱君

君無道也。正義曰楚世子

商臣弑君言世子此傳稱天子僕因國人以弑紀公不稱世子而稱臣者以見君無道傳言多行無禮於國是其無道之狀十六年宋人弑其君杵曰稱國又稱人此直云莒弑其君庶其不稱人者釋例曰劉賈許穎以爲君惡及國朝則稱國以弑君惡及國人則稱人以弑按傳鄭靈宋昭經文異而例同故重發以同之子弑其父又嫌異於他臣亦重明其不異既不碎辯國之與人而傳云莒紀公多行無禮於國天子

僕因國人以弑之經但稱國不稱人知國之與人雖言別而事同也

傳十八年春齊侯戒師期國將以伐魯而有疾醫曰

不及秋將死公聞之卜曰尚無及期國尚庶幾也欲

令先師期死國○令方呈反先國惠伯令龜國以下事告

龜國以下事告龜國○正義曰周禮大卜大祭祀則

禮卜葬命龜云哀子某來日某卜葬其父某甫考降

無有近悔如此之類是令龜之辭也令者告令使知

其意與命同也卜楚丘占之曰齊侯不及期非疾也君亦不

聞國言君先齊侯終令龜有咎國言令龜者亦有凶

咎見於卜兆為惠伯死張本國○見賢國二月丁丑公薨

○齊懿公之為公子也與邴歆之父爭田弗勝及即

位乃掘而剛之

剛斷其尸足

○邴音丙又彼病反歆昌欲反掘其勿反又其

月反剛音月又五刮反斷丁管反

而使歆僕

僕御也納閭職之妻

而使職驂乘

驂乘陪乘

○驂七南反乘繩證反註同

○夏五月

公游于申池

申齊南城西門名申門齊城無池唯此

門左右有池疑此則是二人浴于池歆以扑扶職

扑筮也扶擊也欲以相感激

○扑音卜反字宜從手作木邊非也扶救乙反

筮市榮反又之榮反激古歷反職怒歆曰人奪女妻而不怒一扶女

庸何傷職曰與剛其父而弗能病者何如**言**不以

父別為病恨○女音汝乃謀弑懿公納諸竹中歸舍爵而

行置也惡飲酒訖乃去言齊人惡懿公二人無所畏舍音赦

烏路反齊人立公子元桓公子惠公○六月葬文

公○秋襄仲莊叔如齊惠公立故且拜葬也襄仲

賀惠公立莊叔謝齊來會葬○文公二妃敬嬴生宣

公敬嬴嬖而私事襄仲宣公長而屬諸襄仲襄仲欲

立之叔仲不可叔仲惠伯○嬴音盈嬖必計反仲

見于齊侯而請之齊侯新立而欲親魯許之見賢通反

襄仲至許之○正義曰惡是齊甥齊侯許廢惡者惡以世適嗣立不受齊恩宣以并分得國荷恩必

厚齊侯新立欲親魯為援故許之

冬十月仲殺惡及視而立宣公

國惡大子視其母弟殺視不書賤之書曰子卒諱之

也仲以君命召惠伯**國**詐以子惡命**國**詐至惡命

因殺惡之下即云而立宣公其實宣公之立當在惠伯死後惡雖已死未告外人故詐以子惡之命召惠

伯使入公冉務人疑其宮內有變謂非子惡之命故云入必死耳亦未是審知惡已死也其宰公

冉務人止之曰入必死叔仲曰死君命可也公冉務

人曰若君命可死非君命何聽弗聽乃入殺而埋之

馬矢之中**國**惠伯死不書者史畏襄仲不敢書殺惠

伯○聽吐公冉務人奉其帑以奔蔡既而復叔仲氏

不絕其後○夫人姜氏歸于齊大歸也惡視之

母出姜也嫌與有罪出者異故復發傳○復扶將行

哭而過市曰天乎仲為不道殺適立庶市人皆哭魯

人謂之哀姜所譏出姜不允於魯○過古禾反又

反○莒紀公生大子僕又生季佗愛季佗而黜僕且

多行無禮於國紀號也莒夷無諡故有別號○佗徒何

反僕因國人以弑紀公以其寶玉來奔納諸宣公公

命與之邑曰今日必授季文子使司寇出諸竟曰今

日必達未見公而文子出之故來不書○竟音境公問

其故季文子使大史克對曰先大夫臧文仲教行父
事君之禮行父奉以周旋弗敢失隊曰見有禮於其
君者事之如孝子之養父母也見無禮於其君者誅
之如鷹鷂之逐鳥雀也先君周公制周禮曰則以觀

德則法也合法則為吉德○大史音泰隊直類反

之然反說文止仙**德**如鷹鷂之逐鳥雀○正義曰釋

反字林已仙反**德**鳥云鷹來鳩郭璞曰來當為爽

字之誤耳左傳作爽鳩是也又云晨風鷂舍**德以處**

人曰晨風名鷂鷂鷂鷂名郭璞曰鷂屬也**事**○度待洛反**功**

以食民○食音**作誓命曰毀則為賊****誓**

要信也毀則壞法也

音怪

掩賊為藏

掩匿也

女乙

反竊賄為盜

賄財也

盜器為姦

器國用也主藏

之名

以掩賊為名

賴姦之用

用姦器也為大凶

德有常無赦

刑有常在

九刑不忘

誓命以下皆

九刑之書九刑之書今亡

先君至不忘

正義曰言制周禮曰作誓命曰

謂制禮之時有此語為此誓耳此非周禮之文亦無誓命之書在後作九刑者記其誓命之言著於九刑之書耳德者得也自得於心心之所得有惡有善欲知善惡以法觀之合法則為善德不合法則為凶德故曰則以觀德也既有善德乃能制斷事宜故曰德以處事也既為其事務求成功度量功勳必功成乃善故曰事以度功也民不自治立君牧養作事成功所以養食下民故曰功以食民也其意言在上位者

必有法則乃為養民之主將言莒僕無藏則故言此以張本也又作要言誓命以戒後人曰有人毀法則者是為賊言其賊敗法也掩匿賊人是為藏言其藏罪人也竊人財賄謂之為盜盜人器用謂之為姦主為藏匿罪人之名恃賴姦人所盜之用為極大之凶德有常刑無赦其事在九刑之書不遺忘也以宣公容納莒僕為主藏受其寶玉為賴姦故舉此以極諫也○誓命至今在○正義曰昭六年傳曰夏有亂政而作禹刑商有亂政而作湯刑周有亂政而作九刑三辟之興皆叔世也叔世謂衰世世衰民慢作嚴刑以督之稱其創制聖王以為所作之法夏作禹刑商作湯刑則周作九刑作周公之刑也此云周公作誓命其事在九刑知自誓命以下皆九刑之書所載也謂之九刑必其諸法有九而九刑之書今亡不知九者何謂服虔云正刑一議刑八即引小司寇八議議親故賢能功貴勤賓之辟此八議者載於司寇八之章周公已制之矣後世更作何所復加但所議八等之人就其所犯正刑議其可赦以否八者所議其

刑一也安得謂之八刑杜知其不可故不解之行父還觀莒僕莫可則也

還猶周旋音旋○還音旋孝敬忠信為吉德盜賊藏姦為凶德

夫莒僕則其孝敬則弑君父矣則其忠信則竊寶玉

矣其人則盜賊也其器則姦兆也

之則主藏也以訓則昏民無則焉不度於善

也而皆在於凶德是以去之昔高陽氏有才子八人

高陽帝顓頊之號八人其苗裔○去起莒反顓音專頊許玉反裔以

高陽氏至苗裔○正義曰先儒舊說及譙周

反考史皆以顓頊帝譽為帝之身號高陽高辛皆國氏土地之號高陽次少昊高辛次高陽堯承高辛之後孔子之錄尚書自堯為始史籍之說皇帝其言

不經大戴禮五帝德司馬遷五帝紀皆言顓頊帝嚳
代別一人春秋緯命歷序顓頊傳九世帝嚳傳八世
典籍散亡無以取信要二帝子孫至舜時始用必非
帝之親子其八人者不能知其出生本系枝派遠近
故畧言其
苗裔耳
蒼舒墮鼓禱戲大臨危降庭堅仲容叔達

此即垂益禹臯陶之倫庭堅即臯陶字
○墮徒回反鼓五才

反一音五回反韋昭音瑰禱直由反韋昭音挑戲以善反漢書作戲韋昭以震反危莫江反降下江反陶

音遙**以爲史記其夏本紀稱禹是顓頊之後秦本紀**

稱臯陶是顓頊之後伯益則臯陶之子垂之所出史無其文舊說相傳亦出顓頊故云此即垂益禹臯陶

之倫也服虔云八人禹垂之屬也六年傳臧文仲聞六與蓼滅云臯陶庭堅不祀忽諸知庭堅臯陶爲一

人其餘則不知誰爲禹誰爲益故云之倫之屬不敢斥言也班固漢書有古今人表銓量古人爲九等之

次雖知禹益必在八愷稷契必在八元不能識知其
 人不得自相分配故八元八愷與臯陶禹稷並不出
 其名亦為不知故也鄭玄註論語云臯陶為士師號
 曰庭堅杜云庭堅臯陶字者古人名之與字難得審
 知言字者明齊聖廣淵明允篤誠天下之民謂之八
 其是一人也

愷 齊中也淵深也允信也篤厚也愷和也
○愷開在反

聖 齊聖至入愷○正義曰此并序八人總言其德或
 原其心或據其行一字為一事其義亦更相通齊

者中也率心由道舉措皆中也聖者通也博達眾務
 庶事盡通也廣者寬也器宇宏大度量寬弘也淵者
 深也知能周備思慮深遠也明者達也曉解事務照
 見幽微也允者信也終始不愆言行相副也篤者厚
 也志性良謹交游款密也誠者實也秉心純直布行
 貞實也以其德行如是天下之民為其美目謂之八
 愷愷和也言其和於物也孟子曰伊尹聖人之和者
 也○齊中至和也○正義曰齊中釋言文允信篤

厚釋註文愷訓為樂樂亦和也深水謂之淵故淵為深也

高辛氏有才子八人

圖

高辛帝嚳之號八人亦其苗裔

嚳苦毒反

伯奮仲堪叔

獻季仲伯虎仲熊叔豹季狸

圖

此即稷契朱虎熊羆

之倫

奮甫問反熊音雄狸力之反契息列反依字當作僕古文作

圖

此

帝嚳之後是此言伯虎仲熊尚書有朱虎熊羆二者

其字相蓋必此即稷契朱虎熊羆之倫也尚書更有

夔龍九疋亦應有在元愷之內者但更無明證名字

又殊不知與誰為可故不復言之史記稷契皆為帝

嚳之子而上句註云其苗裔者史記堯亦帝嚳之子

則稷契堯之親弟以堯之聖有大德之弟久而不知

舜始舉用以情而測理必不然且云世濟其美其間

未必盡得其實世族譜取史記之說又從而譏之云

按鯀則舜之五世從祖父也而及舜共為堯臣堯則舜之三從高祖而妻其女此史記之疑者然則以其不可悉信故言忠肅共懿宣慈惠和天下之民謂之苗裔以該之

八元音肅敬也懿美也宣徧也元善也

音徧音忠肅至八

元。正義曰此亦總言其德於義亦得相通忠者與人無隱盡心奉上也肅者敬也應機敏達臨事恪勤也共者治身克謹當官理治也懿者美也保已精粹立行純厚也宣者徧也應受多方知思周徧也慈者愛出於心思被於物也惠者性多哀矜好拯窮匱也和者體度寬簡物無乖爭也以其德行如是天下之民為其美目謂之八元元善也言其善於事也論語曰善人為邦百年亦可以勝殘去殺矣。肅敬至善也。正義曰肅敬釋訓文懿美釋詁文宣徧釋言文易文言曰元者善之長也

此十六族

也世濟其美不隕其名

濟成也隕隊也

○隕于敏反隊直類

反 **𠄎** 此十六至其名。正義曰：此十六人耳，而謂之族者，以其各有親屬，故稱族也。世濟其美，後世

承前世之美，不隕其身也。劉炫云：各有大功，皆賜氏族。賢人積善而至其身也。

故稱 **以至於堯堯不能舉舜** 臣堯舉八愷使主后土

𠄎 后土地官 禹作司空 平水土 即土地之官 **𠄎** 土至

之官。正義曰：后訓君也。天稱皇，天故地稱后。土舜典云：伯禹作司空，呂刑云：禹平水土，則禹是土地之

官。故云主后土也。 **以揆百事莫不時序地 平天成** **𠄎** 揆度也

成亦平也。 **𠄎** 揆 癸反 **𠄎** 以揆至天成。正義曰：用禹為主后土之官，令以揆度百事百

事無不揆度，於是皆有次序，得地平，其化天成，其施言有成功也。 **𠄎** 揆度至平也。正義曰：揆度釋言

文度，百事者，令之豫自籌度為之，數量法制事成，則平其可否使之總衆務也。地平天成，大禹謨之文。孔

安國云水土治曰平五行敘曰成釋
註云成平也是成亦為平其義一也 **舉八元使布五**

教于四方 **契**作司徒五教在寬故知契在八元之

中 ○契斯 **契**作至之中 ○正義曰舜典云帝曰
列反 **契**百姓不親五品不遜汝作司徒敬敷

五教在寬尚書契敷五教此云舉八元使布五教以
此故知契在八元中也然則尚書禹作司空此云舉

八愷使主后土以此亦知禹在八愷中也但不知八
愷之中何者是禹八元之中何者是契耳主后土布

五教是事之大者故舉以為言非是各令八人共主
一事故主土唯禹主教唯契餘當別有所主或助而

為之尚書稱益佐禹 **父義母慈兄友弟共子孝內平**
治水是其助之事也

外成 **內諸夏外夷狄** ○夏戶 **義**至外成 ○正
雅反 **義**曰一家之內父

母兄弟子尊卑有五品父不義母不慈兄不友弟不
共子不孝是五品不遜順也故使契為司徒布五教

於爾教父以義教母以慈教兄以友教弟以共教
子以...是之謂五教此五教可常行又謂之五典也
諸夏夷狄皆從其教是為內平外成所
云五典克從即此內平外成之謂也 管帝鴻氏有

不才子國帝鴻黃帝掩義隱賊好行凶德醜類惡物

頑嚚不友是與比周國醜亦惡也比近也周密也好

呼報反嚚魚中反心不則德義之經為
頑口不道忠信之言為嚚比毗志反 天下之民謂

之渾敦謂謂驩兜渾敦不開通之貌○渾戶本反敦徒本反驩呼端

反兜都隱掩義至渾敦。正義曰掩蓋義事而不行
侯反隱隱蔽其外而陰為賊害也其有凶醜之類

穢惡之物心頑而不則德義之經口嚚而不道忠信
之言如此惡人不可與之親友者此不才子於是與

之相附近相親密言惡人所愛愛同已者也以其為
惡如是故天下之民為之惡目謂之渾敦渾敦不開

通之貌言其無所知也服虔用山海經以為驩兜人而馬喙渾敦亦為獸名○醜亦至密也○正義曰醜亦惡也物亦類也指謂惡人等輩重復而言之耳比是相近也周是親密也唯是親愛之義非為善惡之名論語云君子周而不比小人比而不周以君子小人相對故鄭玄云忠信為周阿黨為比觀文為說也○謂驩至之貌○正義曰此傳所言說虞書之事彼云四罪為共工驩兜三苗鯀也此傳四凶乃謂之渾敦窮奇檮杌饕餮檢其事以識其人堯典帝言共工之行云靖言庸違傳說窮奇之惡云靖譖庸回二文正同知窮奇是共工也堯典帝求賢人驩兜舉共工應帝是與共工相比傳說渾敦之惡云醜類惡物是與比周知渾敦是驩兜也堯典帝言鯀行云咈哉方命圯族傳說檮杌之罪云告頑舍鬻傲很明德卽是咈戾圯族之狀且鯀是顛頊之後知檮杌是鯀也尚書無三苗罪狀既甄去三凶自然饕餮是三苗矣先儒蓋然蓋無異說皆以行狀驗而知之也莊子稱南方之神其名為儵北方之神其名為忽中央之

神其名爲混沌混沌無七竅儻忽爲鑿之一曰爲一
竅七日而混沌死混沌與渾敦字之異耳莊子雖則
寓言要以無竅爲混沌是渾敦爲不開通之貌此四
凶者渾敦檮杌以狀貌爲之名窮奇饕餮以義理爲
之名古人之意自異耳服虔案神異經云檮杌狀似
虎毫長二尺人面虎足猪牙尾長丈八尺能鬪不退
饕餮獸名身如牛人面目在腋下食人

少皞氏有不才子

少皞金天

氏之號次黃帝

○少詩照反註同皞胡老反

正義

曰金天國號少皞至黃帝○

少皞身號譙周云金天氏能修大皞之法故曰少皞也其次黃帝則昭十七年傳有其事

毀信廢

忠崇飾惡言靖譖庸回服讒蒐慝以誣盛德

崇聚

也靖安也庸用也回邪也服行也蒐隱也慝惡也盛

德賢人也

○蒐所畱反慝他得反邪似差反

毀信

至盛德○正義曰毀信者謂信不足

行毀壞之也廢忠者謂忠為無益廢棄之也以惡言為善尊崇修飾之安於讒譖信用回邪常行讒疾陰隱為惡以誣罔盛德之賢人也天下之民謂之窮奇言其行窮困所好奇異也○**國**崇聚至人也○正義曰釋詁云崇克也舍人曰威大充盛大亦集聚之義故崇為聚也庸用精安回邪隱惡常訓也服從是奉行之義也蒐索隱伏是蒐得為隱也服虔亦以蒐為隱隱隱謂陰隱為惡也成德謂成就之德故為賢人也定本成德為盛德**天下之民謂之窮奇**謂共工其行窮其好奇○奇其宜反共音恭**國**謂共至好奇○正義行下孟反好呼報反**國**曰孔安國云共工官稱也其人為此官故尚書舉其官也行惡終必窮故云其行窮也好惡言好讒惡是所好奇異於人也**顓頊有不才子不可教訓不知話言**話善也○話戶告之則頑**國**德義不入心舍之則囂**國**不道忠信舍

音赦傲很明德以亂天常天下之民謂之檇杙謂繇

檇杙頑凶無儔匹之貌○傲五報反很戶墜反檇徒刀反杙五忽反繇古本反

此三族也世濟其凶增其惡名以至于堯堯不能去

國方以宣公比堯行父比舜故言堯亦不能去須賢

臣而除之○去起呂反**國**方以至除之○正義曰

能去之恐宣公以不去之為恥行父以去之為專史

克方以宣公比堯行父比舜故言堯朝有四凶堯亦

不能去須賢臣而除之所以雪宣公不去之恥解行

父專擅之失也然則聖主莫過於堯任賢王政所急

大聖之朝不才總萃雖曰帝其難之且復何其甚也

春秋

卷之二十一 二十四

及古

業既謝愆釁自生為聖所誅其咎益大且虞史欲盛章舜德歸罪惡於前人史克以宣公比堯同四凶於莒僕此等並非下愚未有大惡其為不善唯帝所知尚書將言求舜以見帝之知入此傳安慰宣公故言堯不能去辭各有為情頗增甚學者當以意達文不可即以為實 縉雲氏有不才子

縉 縉雲黃帝時官名

縉 縉雲至官名。正義曰昭十七年傳稱黃帝以雲名官

故知縉雲黃帝時官名。字書縉赤縉也。服虔云夏官為縉雲氏。

貪于飲食冒于貨賄

侵欲崇侈不可盈厭聚斂積實不知紀極不分孤寡

不恤窮匱

冒 亦貪也。盈滿也。實財也。

匱 厭於豔反。匱其媿反。

匱

皆賄。正義曰鄭註周禮云金玉曰貨布帛曰賄。

天下之民以比三凶

非帝玉子孫故別以比三凶謂之饕餮。貪財為饕餮。

貪食為餐 ○ 餐他刀反

餐他結反

此無正文先儒賈服等相

然傳為舜臣堯臣為堯臣

年傳稱王臣公公臣大夫

謂王以公為臣公以大夫為臣皆是上臣下也而此
云舜臣堯謂為臣以事堯乃是下臣上也文同義異
意足相顧故辭
之云為堯臣

眾賢 ○ 關婢亦反聰本
亦作窻七工反

舜典下文云關四門明目達四聰言開關四方之
門未開者廣視聽於四方使天下無壅塞亦是賓禮
眾賢之主意同於
上故引以解之

之渾敦窮奇檮杌饕餮投諸四裔以禦魑魅
投棄

也裔遠也放之四遠使當螭魅之災螭魅山林異氣

所生為人害者

○禦魚呂反螭敕知反山神獸形魅亡備反說文作魁云老精物也魁或

從

𤝵

投棄至害者○正義曰投者擲去故為棄也

未

舜典云流共工于幽州放驩兜于崇山竄三苗

于三危殛鯀于羽山四罪而天下咸服孔安國云幽

州北裔崇山南裔三危西裔羽山東裔在海中是放

之四方之遠處螭魅若欲害人則使此四者當彼螭

魅之災令代善人受害也宣三年傳王孫滿說九鼎

云鑄鼎象物百物而為之備民入川澤山林不逢不

若螭魅罔兩莫能逢之知螭魅是山林異氣所生為

人害

者也是以堯崩而天下如一同心戴舜以為天子以

其舉十六相去四凶也故虞書數舜之功曰慎徽五

典五典克從無違教也**徽**徽美也典常也此八元之

功○戴多代反相息亮反下註同曰納于百揆百揆

去起呂反數色主反徽許歸反

時序無廢事也

此八愷之功曰賓于四門四門穆

穆無凶人也

流四凶

故虞至人也

正義曰此虞書舜典之篇也三事六

句舜典本文其云無違教也無廢事也無凶人也是史克解虞書之意也每引一事以一句解之故每事

言曰舜有大功二十而為天子

舉十六相去四凶也

今行父雖未獲一吉人去一凶矣於舜之功二十之

一也庶幾免於戾乎

史克激稱以辨宣公之惑釋

行父之志故其言美惡有過辭蓋事宜也

激古

歷反

史克至宜也○正義曰宣公貪寶玉而受莒僕為惑已大行父違君命而逐出之其專已甚故史克激

揚而言舜之事堯以辨宣公之惑以解行父之志方欲盛談善惡說事必當增甚故其言美惡有大過之

辭言美則大美言惡則大惡禹則鯀之子也說禹則云世濟其美言鯀則云世濟其凶明其餘亦有大過非其實也蓋事勢宜然耳何休以為孔子云蕩蕩乎堯之為君唯天為大唯堯則之今如左氏堯在位數十年久抑元愷而不能舉養育凶人以為民害而不能去則孔子稱堯虛言也桀紂為惡一世則誅四凶歷數千歲而無誅放易云積不善之家必餘殃虛言也左氏為短但堯之為君能舉十六相去四凶四凶之人未必世濟其惡但史克欲明行父之志欲辨宣公之惑故美惡過辭具於此註何休之難不足疑也

○宋武氏之族道昭公子將奉司城須以作亂

文公弒昭公故武族欲因其子以作亂司城須文公

弟 ○宋武氏之族本或作武穆之族者後人取下文妄加也道音導 十二月宋公殺

母弟須及昭公子使戴莊桓之族攻武氏於司馬子

伯之館

註

戴族華樂也莊族公孫師也桓族向魚鱗

蕩也司馬子伯華耦也

○向舒亮反

遂出武穆之族

註

穆

族黨於武氏故使公孫師為司城

註

公孫師莊公之

孫公子朝卒使樂呂為司寇以靖國人

註

樂呂戴公

之曾孫為宣三年宋師圍曹傳

註

樂呂戴公會孫○正義曰世本云

戴公生樂甫術術生碩甫澤澤生夷父須須生大司寇呂今云曾孫誤也

父與取也大有
 有公主樂由
 之曾將為
 將公子成
 然黨然知凡
 然也何與于
 自也

脂
 書
 圖
 諸
 ZHUJI LIBRARY

春秋左傳註疏卷第二十一 宣元年

晉杜氏註

唐孔穎達疏

宣公

○陸曰宣公名倭一名倭又作委文

正義曰魯世家

云宣公名倭或作接文公之子敬嬴所生以世王五年即位是歲歲在壽星論法善問周達曰宣

經元年春王正月公即位無傳○公子遂如齊逆女

不譏喪娶者不待貶責而自明也卿為替逆例在

文四年 ○娶七禴反 不譏至四年 ○正義曰文

譏者此事甚惡言不待貶責而其惡自明也昭元年公羊傳曰春秋不待貶絕而罪惡見者不貶絕以見

罪貶絕然後罪惡見者貶絕以見罪惡是其義也文四年逆婦姜于齊傳云卿不行非禮也是卿為君逆

也之例三月遂以夫人婦姜至自齊稱婦有姑之辭

不書氏史闕文敬嬴在是有姑也夫人以姜為姓

舉姓而稱姜氏去氏稱姜則不成文義知不稱氏者史闕文也傳言新作延廢而經無作字是作傳之時

經猶未闕於後經始闕耳此文傳亦無氏知其本史先闕故云史闕文而不云經闕文也史文既闕仲尼

不正之者以無所褒貶故因其詳畧也諸經所闕者或史文先闕仲尼不改或仲尼其文在後始闕公羊

穀梁漢初始為其傳見其闕文妄為之說非其實也公羊傳曰夫人何以不稱姜氏貶曷為貶譏喪娶喪

娶者公也則曷為貶夫人內無貶于公之道也內無貶于公之道則曷為貶夫人夫人與公一體也穀梁

之意亦然先儒取以為說服虔云古者一禮不備貝女不從故詩云雖速我訟亦不女從宣公既以喪娶

夫人從亦非禮故不稱氏見畧賤之也杜不然者女
之出嫁事由父母夫來取之父母許之豈得問禮具
否拒逆婚姻之命從夫喪娶父母之咎自可罪其父
母何以貶責夫人若其貶責夫人當去夫人之號減
一氏字復何所明夫人之稱姜氏猶遂之稱公子也
舍遂之族而去子稱公可乎亦知遂不可去子稱公
夫人復安可以去氏稱姜也逆婦姜于齊以卿不行
變文畧賤此經貶遂不稱公子以戒夫人之尊非畧
賤之事也詩責疆暴之男行不由禮陳其爭訟之辭
述其守貞之意此豈是宣公淫掠而欲令齊女守貞
哉

夏季孫行父如齊

晉放其大夫胥申父于衛

放者受罪黜免宥之以遠

○宥音又
放者至以遠○正義曰舜典云流宥五刑
孔安國云以流放之法寬五刑是放者有罪

當刑而不忍刑之寬其罪而放棄之也三諫不從待
放而去者彼雖無罪君不用其言任令自去亦是放
棄之義放之與奔俱是去國而去情小異釋例曰奔
者迫窘而去逃死四隣不以禮出也放者受罪黜免
宥之以遠也臣之事君三諫不從有待放之禮故傳
曰義則進否則奉身而退迫窘而出奔及以禮見放
俱去其國故傳通以違為文仲尼修春秋又以所稱
為優劣也言優劣者放者君舍其罪緩步而出是其
優也奔者止則懼死奔馳而去是其劣也昭八年楚
人執陳公子招放之于越哀三年蔡人放其大夫公
孫獵于吳與此胥甲父等皆甘心受罪黜其官位宥
之以適遠方是實放而書放也襄二十九年傳稱齊
公孫蠆公孫竈放其大夫高止於北燕書曰出奔罪
高止也高止好以事自為功且專故難及之彼罪高
止故實放而書奔也然則文十四年傳稱宋高哀不
義宋公而出遂來奔高哀無罪亦改放而書奔者放
者緣遣者之意為義奔者指去國之人立文據其所
往之處皆是從外來耳高哀身來至魯自魯而稱來

奔不書宋人之意故不得言於此乃外內之文異耳
叛者以地適他稱叛入魯則稱來奔亦此之類也

公會齊侯于平州

國

平州齊地在泰山牟縣西

○牟亡侯反

公子遂如齊

六月齊人取濟西田

國

魯以賂齊齊人不用師徒故曰

取

秋邾子來朝

國

無傳

楚子鄭人侵陳遂侵宋晉趙盾帥師救陳

國

傳言救陳

宋經無宋字蓋闕

○盾徒本反

國

傳言至蓋闕○正義曰陳宋俱被楚侵明其

竝救二國傳稱救陳宋而經無宋字故設疑云蓋闕也服虔云趙盾既救陳而楚師侵宋趙盾欲救宋而

楚師解去按經傳皆言侵陳遂侵宋陳在宋南是先
 侵陳去陳乃侵宋也若趙盾越宋而南救陳猶及楚
 師北迴救宋安得不及楚也若言欲救宋而楚師解
 去則救陳之時楚師已向宋矣何以書救陳也蓋以
 陳既被侵方始告晉晉人起師救陳楚又移師侵宋
 晉師比至於鄭楚師既已去矣故諸國會于棗林同
 共伐鄭棗林鄭地明晉始至鄭不得與楚相
 遇故竟無戰事言救陳宋者皆是致其意耳

宋公陳侯衛侯曹伯會晉師于棗林伐鄭

國君往會之共伐鄭也不言會趙盾取於兵會非好

會也棗林鄭地滎陽宛陵縣東南有林鄉○棗芳尾反好呼報

反晉師平林鄉○正義曰晉本與師為救陳宋

但楚師已去故四國之君往會晉師與其伐鄭
 言于棗林者行會禮然後伐桓十五年公會宋公衛
 侯陳侯于袤伐鄭亦行會禮乃伐與此同也晉師趙

盾為將不言會趙盾而言晉師者取於兵會非好會
言所會會其兵非會其人故稱師案定八年公會晉
師于瓦註云卿不書禮不敵公知此非為趙盾不敵
公侯稱師者沈氏云此會有宋公陳侯等猶成二年
會于蜀有蔡許之君故知此非為趙盾不得敵諸
侯但取於兵會彼會于瓦唯有公故知與此異耳

冬晉趙穿帥師侵崇

崇本亦作密

晉人宋人伐鄭

傳元年春王正月公子遂如齊逆女尊君命也

國諸

侯之卿出入稱名氏所以尊君命也傳於此發者與

還文不同故釋之

國諸侯至釋之。正義曰氏者位尊乃賜是臣之寵號具名氏

所以尊君命言君命重故貴臣行人貴則君命尊也諸侯之卿出入稱名氏者若宋華元衛元咺之類

是也如魯卿公孫敖喪歸尚稱氏明生歸亦然其歸父意如叔孫婣不稱氏者各有所為與常例不同也會盟征伐具名氏者皆是尊君命也傳獨於此發者為其與還文不同故於此釋之釋例曰昏禮雖奉時君之命其言必稱先君以為禮辭故公子翬逆女傳曰修先君之好公子遂逆女傳稱曰尊君命互發其義也

三月遂以夫人婦姜至自齊尊夫人也

遂不言

公子替其尊稱所以成小君之尊也公子當時之寵號非族也故傳不言舍族釋例論之備矣

稱尺證

遂不至備矣正義曰公子亦是寵號其事與族相似魯臣有罪則貶去其族族去則非卿今遂與夫人俱至物無兩大人不並尊若從夫人者尊則夫人卑矣故替其尊稱令從夫人者卑則夫人尊矣釋例曰往必稱族以示其重還雖在塗必舍族以替之所以成小君之尊是其義也成十四年叔孫僑如

逆女及以夫人至其文與此正同彼傳云稱族尊者命舍族尊夫人此傳不言稱族舍族者釋例曰傳云公子遂如齊逆女尊君命也遂以夫人婦姜至自齊尊夫人也叔孫僑如逆反則往曰稱族還曰舍族然則公子公孫繫公之常言非族也是言公子非族故與彼異文公子雖則非族稱舍亦與族同故其言尊君命尊夫人與彼亦不異也所以異者族必君賜乃稱之公子公孫繫公之常言不須待賜乃稱之耳

○夏季文子如齊納賂以請會國宣公篡立未列於

會故以賂請之○篡初晉人討不用命者放胥甲患反

父子衛國胥甲下軍佐文十二年戰河曲不肯薄秦

於險國胥甲至於險○正義曰按彼傳胥甲與趙

穿見晉君之婿或本罪穿同罪放胥甲而舍趙穿者於時趙盾為政而立胥克國克甲之子先辛

春秋正義 卷之三十一 齊魯

奔齊國 辛甲之屬大夫○會于平州以定公位國 篡

立者諸侯既與之會則不得復討臣子殺之與弑君

同故公與齊會而位定○復扶國 篡立至位定○

王政不行諸侯自相推戴廢立不由天子篡弑而立

則鄰國討之若與之會則序之於列成其為君諸侯

既已為會則臣子不得復討若其殺之則與弑君罪

同宣公殺子惡而取國常畏魯人討已心不自安納

賂請會故既與齊會而公位乃定成十五年滅之會

討曹成公成公得列于會後曹人請于晉曰先君無

乃有罪乎若有罪則君列○東門襄仲如齊拜成國

謝得會也○六月齊人取濟西之田為立公故以賂

齊也國 濟西故曹地僖三十一年晉文以分魯○為

于偽

反 ○宋人之弑昭公也 在文十六年晉荀林父以

諸侯之師伐宋宋及晉平宋文公受盟于晉又會諸

侯于扈將為魯討齊皆取賂而還 文十五年十七

年二扈之盟皆受賂 文十至受賂。正義曰杜

事乃得稱皆故指二扈之盟以充皆義劉炫云案傳

數晉罪近發宋弑昭公前扈之盟文所不及何當虛

指其事言皆取賂炫謂宋及晉平取宋賂為魯討齊

取齊賂也案此言會諸侯于扈文承宋人之弑昭公

下知非十七年會于扈既取宋賂又取齊賂而稱皆

必為十七年十五年二扈之盟者案十七年會于扈

尋檢經傳全無魯討齊之事豈得違背經傳妄指十

七年乎但宋弑昭公其罪既大故先言之為魯討齊

其失小故後言之劉炫以傳文先後顛倒又以會于

扈為十七年之事違背經傳而規杜非也取賂而還

書本或云取齊賂而還檢勘古本及杜註意竝無齊字文十七年宋及晉平唯受宋賂十五年會扈受齊賂耳傳言皆者皆齊宋也故知皆取齊賂者非也

鄭穆公曰晉不足與也遂受盟于楚陳共公之卒楚人不禮焉

卒在文十二年○共音恭陳靈公受盟于晉秋楚子侵陳遂侵宋晉趙

盾帥師救陳宋會于蕞林以伐鄭也楚薦賈救鄭遇

于北林國與晉師相遇滎陽中牟縣西南有林亭在

鄭北囚晉解揚晉人乃還國解揚晉大夫○解音蟹○晉

欲求成於秦趙穿曰我侵崇秦急崇必救之國崇秦

之與國○秦急崇絕句本或作崇秦急崇○正義急秦必救之是後人改耳國曰崇是秦之與

國故秦人
急於援崇
吾以求成焉
冬趙穿侵崇
秦弗與成
○晉

人伐鄭以報北林之役
報囚解揚於是晉侯侈趙

宣子為政驟諫而不入故不競於楚
競強也為明

年鄭伐宋張本
○侈昌氏反又戶氏反驟仕救反

經二年春王二月壬子宋華元帥師及鄭公子歸生帥

師戰于大棘宋師敗績獲宋華元
得大夫生死皆

曰獲例在昭二十三年大棘在陳畱襄邑縣南
宋華

至生帥師○正義曰此華元歸生及哀二年趙鞅罕
達客主各言帥師者皆是將尊師眾故竝具其文或

於歸生之下無帥師之字脫耳○
得大至縣南○
正義曰此獲華元生也哀十一年獲齊國書死也以

春秋左傳卷之二十一 宋 三十一

此知生死皆曰獲昭二十三年傳云書曰胡子髡沈子逞滅獲陳夏齧君臣之辭也傳言書曰是仲尼變

也例

秦師伐晉

夏晉人宋人衛人陳人侵鄭國鄭為楚伐宋獲其大夫

晉趙盾與諸侯之師將為宋報恥畏楚而還失霸者

之義故貶稱人○為楚于鄭為至稱人○正義

人者傳皆言其名氏此傳唯稱趙盾及諸侯之師侵

鄭諸侯之將不言名氏則實是微者非貶之也趙盾

畏楚而還故貶之稱人釋例曰鄭受楚命伐宋大敗

宋師獲其二卿此晉之不競也晉於是申命眾國大

起其眾將以雪宋之恥取威定霸趙盾為政而畏越

傲之盛不敢遂其所志託辭班師失宋之心孤諸侯

之望所以致敗也

秋九月乙丑晉趙盾弑其君夷臯靈公不君而稱臣

以弑者以示良史之法深責執政之臣例在四年臯

古刀

靈公至四年。正義曰釋例曰經書趙盾反弑君而傳云靈公不君又以明於例此弑宜

稱君也弑非趙盾而經不變文者以示良史之意深責執政之臣傳故特見仲尼曰越竟乃免明盾亦應受罪也雖原其本心而春秋不赦其罪蓋為教之遠防

冬十月乙亥天王崩無傳

傳二年春鄭公子歸生受命于楚伐宋受楚命也

受命于楚本或作命于楚宋華元樂呂御之二月壬子戰于大

棘宋師敗績囚華元獲樂呂國樂呂司寇獲不青非

元帥也獲生死通名經言獲華元故傳特護之曰囚

以明其生獲故得見贖而還帥所類反及甲車四

百六十乘俘二百五十人馘百人狂狡輅鄭人鄭人

入于井國狂狡宋大夫輅迎也乘繩證反下同俘

百人或馘百者人衍字倒戟而出之獲狂狡君子曰

失禮違命宜其為禽也戎昭果毅以聽之之謂禮國

聽謂常存於耳著於心想聞其政令劉丁老反宜

宜其禽也毅魚既反著直畧反殺敵為果致果為毅易之戮也國易

反易

師

君子至戮也。正義曰：軍法以殺敵為上將。

元帥之命曲法以拯鄭人宜其為禽也。昭明也。兵戎之事明此果毅以聽之。謂禮能殺敵人是名為果。言能果敢以除賊致此果敢乃名為毅。言能彊毅以立功易之戮也。反易此道則合刑戮也。昭謂明曉此禮致謂達之於敵毅彊也能致用此意乃謂彊人言在軍對敵必須殺也。尚書成湯數桀之罪以誓眾云爾尚輔予一人致天之罰予其大賚汝爾不從誓言予則孥戮汝武王數紂之罪以誓眾云勗哉夫子尚桓桓如虎如貔如熊如羆于商郊爾所不勗其于爾躬有戮二王以至聖伐至惡尚誓眾使多殺是軍法務在多殺殺敵乃為禮也。公羊善宋襄公不鼓不成列以為文王之戰亦不過此。武王之戰既知不然文王之戰豈當若是審如公羊之言文王將戰華元殺未曉戰法其不能身定天下豈為此乎。

羊食士其御羊斟不與及戰曰疇咎之羊子為政

國

疇咎猶前日也

○食音嗣斟之金反不與音預

疇

疇咎猶前日也正義曰禮記檀

弓云孔子謂子貢曰吾疇咎之夜夢坐奠於兩楹之間鄭玄云疇咎猶前日也是相傳為然

今日

之事我為政與入鄭師故敗君子謂羊斟非人也以

其私憾敗國殄民

憾憾恨也殄盡也

○憾本亦作感戶暗反註同敗

必邁反又如字殄大典反

於是刑孰大焉詩所謂人之無良者

刑

詩小雅義取不良之人相怨以亡其羊斟之謂乎殘

民以逞○宋人以兵車百乘文馬百駟

駟畫馬為文

四百匹

○逞敕領反

駟

畫馬為文○正義曰謂文飾雕畫之若朱其尾鬣之類也

以

贖華元于鄭半入華元逃歸立于門外告而入

告

告

宋城門而後入言不苟見叔牂曰子之馬然也

牂羊斟也卑賤得先歸華元見而慰之

○牂子郎反

對曰

非馬也其人也

國

叔牂如前言以顯故不敢讓罪既

合而來奔

國

叔牂言畢遂奔魯合猶答也

國

見叔至來奔

正義曰叔牂卑賤故得先歸華元見而安慰之曰往

奔入鄭軍者子之馬自然非子之罪叔牂自知前言

已顯不敢隱諱乃對元曰非馬也其人也言是已為

之叔牂既答華元而即來奔魯耳服虔載三說皆以

子之馬然為叔牂之語對曰以下為華元之辭賈逵

云叔牂宋守門大夫華元既見叔牂牂謂華元曰子

見獲於鄭者是由子之馬使然也華元對曰非馬自

奔也其人為之也謂羊斟驅入鄭也奔走也言宋人

贖我之事既和合而我即來奔耳鄭眾云叔牂即羊

斟也在先得歸華元見叔牂牂即誣之曰奔入鄭軍

者子之馬然也非我也華元對曰非馬也其人也言是女驅之耳叔牂既與華元合語而即來奔魯又一說叔牂宋人見宋以馬贖華元謂元以贖得歸謂元曰子之得來當以馬贖故然華元曰非馬也其人也言已不由馬贖自以人事來耳贖事既合而我即來奔杜以傳文見叔牂而即言曰則曰下皆當為華元之語不得為叔牂之辭且以華元與賤人交語而稱對曰謂歸國而來奔皆於文不順又羊斟與叔牂當是名字相配故不從三家而別為之說采鄭氏來奔為奔魯耳合是聚合言語故云合猶答也

華元為植巡功

植將主也

同植直吏反註

國 植將主

也。正義曰同禮大司馬大役屬其植鄭司農云植謂部曲將吏故宋城華元為植巡功是植為將領主帥監作者也巡功謂巡城檢作功也

復

睥出目瞞大腹棄甲謂亡師

○謳烏侯反睥戶版反說文字林云

城者謳曰睥其目瞞其腹棄甲而

大目也蘇林云寢視不安貌
孟康云猶分然也
𦉳 步何反
𦉳 正義曰說文云睥大

目也目大則出見故云出目也
睥是腹之狀腹以大為異故為大腹也
于思于思棄甲

復來
于思多鬢之貌
于思如字又西才反多鬢

來力知反又如字以協上
韻鬚修于反字又作鬢
賈逵云白頭貌復扶又反

成十五年華元為右師距此二十二年計未
得頭白故杜以為多鬢貌亦是
以意言之耳
使其驂

乘謂之曰牛則有皮犀兕尚多棄甲則那
那猶何

也
驂七南反犀音西
犀兕尚多
正義曰釋獸

兕徐履反那乃多反
云犀似豕郭璞曰形似水
牛豬頭大腹瘠脚脚有三蹄黑色三角一在頂上一

在額上一在鼻上鼻上者食角也小而不備好食棘
亦有一角者劉歆期交州記曰犀出九德毛如豕蹄
有甲頭似馬吳錄地理志云武陵沅南縣以南皆有

犀釋獸云兕似牛郭璞云一角青色重千斤說文云兕如野牛青毛其皮堅厚可制鎧交州記曰兕出九德有一角角長三尺餘形如馬鞭柄徧檢書傳犀兕二獸竝出南方非宋所有假令波及宋國必不能多言尚多者苟役人曰從其有皮丹漆若何華元曰去以答謳者耳

之夫其口衆我寡傳言華元不吝其咎寬而容衆

○漆音七吝力刃反咎其九反○秦師伐晉以報崇也伐崇在元

年遂圍焦焦晉河外邑夏晉趙盾救焦遂自陰地

及諸侯之師侵鄭陰地晉河南山北自上洛以東

至陸渾渾戶昏反以報大棘之役楚鬬椒救鄭曰能欲

諸侯而惡其難乎遂次于鄭以待晉師趙盾曰彼宗

競于楚殆將斃矣

國

競強也鬪椒若敖之族自子文

以來世為號令尹

○惡烏路反難乃旦反斃婢世反

姑益其疾乃去

之

國欲示弱以驕之傳言趙盾所以稱人且為四年

楚滅若敖氏張本

○晉靈公不君

國

失君道也以明

於例應稱國以弑

○弑申志反

厚斂以雕牆

國

雕畫也

斂○

力驗反雕本亦作雕牆在良反

從臺上彈人而觀其辟丸也宰夫胹

熊蹯不熟殺之寘諸畚使婦人載以過朝

國

畚以草

索為之筥屬

○彈徒丹反胹音而煮也蹯扶元反寘之豉反畚音本草器也索素各反筥丸

呂

國宰夫胹熊蹯○正義曰字書過熟曰胹命此宰夫胹熊蹯不至於熟以其違命故殺之○**國**畚

以至筥屬。○正義曰周禮挈壺氏挈畚以令軍糧鄭
 衆云縣畚于廩假之處畚所以盛糧之器故以畚表
 廩說文云畚蒲器可以盛糧韓詩外傳云鮑焦挈畚
 采蔬遇子貢於道是畚可以盛糧盛菜以草索爲之
 今人猶有此器形制似筥故爲筥屬過朝以示人令衆懼也

趙盾士季見其手問其故而患之將諫士季曰諫而不入則莫之繼也會
 請先不入則子繼之三進及濡而後視之士季隨

會也三進三伏公不省而又前也公知欲諫故佯不

視

○其手一本作首
 濡力救反屋雷也
 將諫至繼之○正義曰言二

人將欲相隨入諫士季謂盾曰子是尊卿今與子俱諫而不入則莫之能繼續爲
 諫會是卑卿請先往諫不入則子繼之○三進及濡
 ○正義曰濡謂簷下水濡之處入門伏而不省起
 而更進三進而及於君之屋濡言迫於公之前曰

吾知所過矣將改之稽首而對曰人誰無過過而能

改善莫大焉詩曰靡不有初鮮克有終

詩大雅也

○鮮息淺反少也下同夫如是則能補過者鮮矣君能有終則

社稷之固也豈惟羣臣賴之又曰衮職有闕惟仲山

甫補之能補過也

詩大雅也衮君之上服闕過也

言服衮者有過則仲山甫能補之

○衮古本反君能補過

衮不廢矣

常服衮也猶不改宣子驟諫公患之使

鉏麇賊之

鉏麇晉力士晨往寢

○鉏仕俱反麇音迷一音五兮反

門闕矣盛服將朝尚早坐而假寐

不解衣冠而睡

○闢嬖亦反盛音成
本或作成睡垂偽反

麀退歎而言曰不忘恭敬民之

主也賊民之主不忠棄君之命不信有一於此不如

死也觸槐而死

國槐趙盾庭樹

○槐音懷
又音回

○秋九月

晉侯飲趙盾酒伏甲將攻之其右提彌明知之

國右

車利

○飲於鳩反提木又作
祗上支反彌面皮反

趨登曰臣侍君宴過三

爵非禮也遂扶以下公喉夫葵焉明搏而殺之

國葵

猛犬也

○遂扶舊本皆扶房孚反服虔註作跪先典
反云徒跪也今杜註本往往有跪者喉素口

反說文云使犬也服本作嘔夫音扶葵五羔反尚書
傳云大大也爾雅云狗四尺為葵說文云犬知人心

可使者

國趨登至非禮也○正義曰此言飲趙盾酒
搏音博**國**是小飲酒耳非正燕禮燕禮獻酬之後方

脫履升堂行無算爵非止三爵而已其侍君小飲則
三爵而退玉藻云君子之飲酒也受一爵而色酒如
也二爵而言言斯禮已三爵而油油以退鄭玄云禮
飲過三爵則敬殺可以去矣是三爵禮訖自當退也
提彌明言此之時未必已過三爵假此辭以悟趙盾
耳○遂扶至葵焉○正義曰服虔本扶作跣註云趙
盾徒跣而下走禮脫履而升堂降階乃納履堂上無
履跣則是常何須云遂跣而下且遂者因上生下之
言提彌明言訖而遂不得為趙盾遂也杜本作扶言
扶趙盾下階跣服虔云曠取也夫語辭葵犬名公乃
曠夫葵使之噬盾也釋畜云狗四尺為葵是
大犬之名以其使之噬盾故云葵猛犬也

盾曰棄

人用犬雖猛何為國責公不養士而更以犬為已用

鬪且出提彌明死之初宣子田於首山舍於翳桑

田獵也翳桑桑之多蔭翳者首山在河東蒲坂縣東

南○翳於計反陰音陰又於鳩反見靈輒饑問其病靈輒晉人曰

不食三日矣食之舍其半問之曰宦三年矣宦學

也○食之音嗣下同舍其音捨宦學也○正義曰曲禮云宦

者學仕宦學者尋經藝以此為異耳未知母之存否今近焉去家近

請以遺之使盡之而為之○遺簞食與肉○遺

反下註同簞音○正義曰鄭玄曲禮註丹笥○笥嗣反○云圓白笥友曰笥然則俱是竹器

方圓異名耳故以簞為笥○鄭玄論語註亦云簞笥也實諸橐以與之既而與為

公介○橐他洛反而與靈輒為公甲士○音預公介音界倒戟以禦

公徒而免之問何故對曰翳桑之餓人也問其名居

問所居不告而退**不望報也**遂自亡也**輒亦**

去乙丑趙穿攻靈公於桃園**穿**趙盾之從父昆弟

子乙丑九月二十七日○攻如字**穿**趙盾至弟子

云趙衰趙夙之弟世族譜盾是衰子穿是夙孫是穿

為盾之從父昆弟之子也世本夙為衰祖穿為夙之

會孫世本轉寫多宣子未出山而復**晉竟之山也**

盾出奔聞公弑而還○竟音境下文大史書曰趙盾

弑其君以視於朝宣子曰不然對曰子為正卿亡不

越竟反不討賊非子而誰宣子曰嗚呼我之懷矣自

詒伊感其我之謂矣**逸詩也**言人多所懷戀則自

遺憂

○大音泰

孔子曰董狐古之良史也書法不隱

國不

隱盾之罪趙宣子古之良大夫也為法受惡

國善其

為法受屈

○為子偽反註同

惜也越竟乃免

國越竟則君臣

之義絕可以不討賊

國越竟至討賊○正義曰哀八年傳公山不狃云君子違

不適讎國未臣而有伐之奔命焉死之可也註云未

臣所適之國則可還奔命死其難如彼傳文雖則出

奔臣義未絕此註云越竟則君臣之義絕者以仲尼

云越竟乃免出竟則免責明其義已絕也襄十三年

鄭人殺良霄傳曰不稱大夫言自外入也去國不稱

大夫是為義絕之驗且受君之命乃得為臣今君欲

殺已逃奔他國君之於臣既已絕矣臣之於君能無

絕乎董狐云子為正卿反不討賊明其威足討賊卿

位猶在故責之耳我以君寵得為國卿仗君之威故

羣下用命亦既失位出奔國人不復畏我國內自有

賊亂非我所能禁之故越竟得免由義絕故也不猶
之言謂已以他故出奔非是君欲殺已閱其宗國宜
還救之昭二十一年宋公子城以晉師救宋是其事
也襄二十七年傳曰崔氏之亂申鮮虞來奔僕質於
野以喪莊公彼是公之寵臣去國而行君服豈復責
無罪而將見殺逃竄而得免死者皆令反服君乎禮
檀弓曰穆公問於子思曰爲舊君反服古與子思曰
古之君子進人以禮退人以禮故有舊君反服之禮
也今之君子進人若將加諸膝退人若將隊諸淵無
爲戎首不亦善乎又何反服之禮之有是言去國雖
同本情有異不
可以一槩論也

宣子使趙穿逆公子黑臀于周而立

之

黑臀晉文公子

○臀徒

門反

國

正義曰周語單襄公

二云吾聞成公之生也其母夢神規其臀以黑曰使有
晉國故命之曰黑臀晉世家成公者文公少子其母
周女
壬申朝于武宮
壬申十月五日既有日而無

月冬又在壬申下明傳文無較例

音角

○初驪姬之

亂詛無畜羣公子

詛

詛盟誓

○驪力知反 詛側慮反

初

初驪至公子

正義曰服虔云驪姬與獻公及諸大夫詛無畜羣公子欲令其二子專國杜驪不註義似不然若驪姬身為此詛姬死即應復常何得比至於今國無公族豈復文襄之霸遂踵驪姬法乎蓋為奚齊卓子以庶篡適晉國創其為亂不用復畜公子按檢傳文及國語文公之子雍在秦樂在陳黑臀存周襄公之孫談在周則是晉之公子悉皆出在他國是其因行而不改成公今始革之故傳本其初也則是國內因驪姬之亂乃設此詛非驪姬自為詛也若驪姬為詛不須言驪姬之亂以言之亂知其創驪姬也自此之後雖立公族而顯者亦少唯有悼公之弟揚于悼公之子憇二人名見於傳昭十八年鄭人救火子產辭晉公子公孫於東門以外更無其人良自是晉無公族

無

由通於六卿不被任用故耳

公子故廢公族之官

國無公至之官。正義曰不畜羣公子故無公族是公族

之官掌教公之子弟也。下註云餘子適子之母弟亦

沿餘子之政子屬餘子之官則適子屬公族之官也

孔晁註國語云公族大夫掌公族及卿大夫子弟之

官是卿之適子屬公族也。晉語云欒伯請公族悼公

曰荀家惇惠荀會文敏壓也果敢無忌慎靖使茲四

人者為之膏梁之性難正也故使惇惠者教之文敏

者道之果敢者諗之慎靖者修之使茲

四人者為公族大夫是公族主教誨也

乃宦卿之適子而為之田以為公族**國**宦仕也為置

田邑以為公族大夫

○適本又作嫡丁歷反下註同為置于偽反

又宦其

餘子亦為餘子

國餘子嫡子之母弟也亦沿餘子之

政

國餘子至之政。正義曰下庶子無妾子知餘子則是嫡子之母弟也言亦為餘子則知餘子

之官亦治餘子之政令主教卿大夫適妻之次子也
下云庶子為公行掌率公之戎車則公行不教庶子
然則卿大夫之妾子亦其庶子為公行庶子妾子
是餘子之官教之矣

也掌率公戎行註及下同○行戶郎反義曰庶子至戎行○正

為庶為旄車之族即公行也掌車而謂晉於是有公
之公行知其掌率公戎車之行列也

族餘子公行皆官名晉有公族餘子公行正義曰此

風有公族公路公行其公族公行既同公路似此餘

子但餘子不主路車公路非餘子也當與公行為一

以其主君路車謂之公路主車行列謂之公行其實

止是一官詩人變文以韻句耳周禮無此三官之名

夏官有諸子下大夫二人掌國子之倅事與公族同

也春官有巾車下大夫二人掌王之五路事與公行

同也無餘子同者趙盾請以括為公族括趙盾異
人子諸侯禮異耳

母弟趙姬之中子屏季也
○括古活反中如字
又丁仲反屏步丁反
曰君

姬氏之愛子也
國趙姬文公女成公姊也
微君姬氏

則臣狄人也公許之
國盾狄外孫也姬氏逆之以為

適事見僖二十四年
○見賢
冬趙盾為旄車之族
國

旄車公行之官盾本卿適其子當為公族辟屏季故

更掌旄車
○旄音毛
國旄車至旄車
○正義曰主

旄謂之旄車之族詩云子不旄又曰建旄設旄是

公車必建旄也周禮主車之官謂之中車巾者衣也

主衣飾之車謂之中車此掌建旄之車謂之旄車之

族盾本卿之適子其子世承正適當為公族使辟屏
季故更為旄車之族自以身為妾子故使其子為妾
子之官知非盾身自為旄車之族而云使其子者旄

車之族賤官耳盾身既為正卿無容退掌賤職六年
經稱晉趙盾衛孫免侵陳仍書於經非身退位故知
使其子耳原同長而使趙括者沈氏云使其子以其
以其君姬氏之愛子故使之非正適也

故族為公族大夫盾以其故官屬與屏季使為衰

之適衰初危反故官屬者父時舊官屬也將父時官

屬盡與屏季使季為衰之正適也盾之此意欲令身
死之後使屏季承其父後為趙氏宗主但晉人以盾

之忠更使其子
朔承盾後耳

經三年春王正月郊牛之口傷改卜牛牛死乃不郊

牛不稱牲未卜日猶三望

葬匡王無傳四月而葬速

楚子伐陸渾之戎

夏楚人侵鄭

秋赤狄侵齊

宋師圍曹

冬十月丙戌鄭伯蘭卒

再與文同盟

再與文同盟 ○正義曰

蘭以僖三十三年即位文二十二年盟于垂隴七年于扈十四年于新城魯鄭俱在當言三同盟而云再者以扈之盟經文不序諸侯故不數劉炫規之非也

葬鄭穆公

無傳

傳三年春不郊而望皆非禮也

言牛雖傷死當更

改卜取其吉者郊不可廢也前年冬天王崩未葬而郊者不以王事廢天事禮記曾子問天子崩未殯五祀不行既殯而祭自啟至于反哭五祀之祭不行已

葬而祭

禮記

言牛至而祭。正義曰按經牛死在正

一死當更改卜取其吉者郊天之禮不可廢也牛死而遂不郊故為非禮也不郊非禮則於禮得郊禮諸侯為天子斬衰天王崩未葬而得郊者不以王事廢天事也引曾子問者舉輕以明重也初死以至於殯啓殯以至反哭於此之間五祀之祭不行耳既殯之後啓殯以前五祀之祭猶尚不廢郊天必不廢矣故鄭註云郊社亦然王制云喪三年不祭唯祭天地社稷為越紼而行事鄭玄云不敢以卑廢尊紼輻車索禮天子殯於西序橫輻車而塗之繫紼以備火災言越紼而行事是在殯得祭也按曾子問既殯而祭其

祭也尸入三飯不侑醕不酢而已矣謂尸唯三飯祝不侑勸其食食罷主人酌酒醕尸尸不酢主人曾子問又云已葬而祭祝畢獻而已謂尸飯而侑勸訖醕尸尸酢主人酢訖又布祝席祝坐主人酌酒以獻祝獻畢而止故鄭註云既葬彌吉畢獻祝而後止是也鄭又註彼云天子七祀言五者闕中言之按禮記祭法云王為羣姓立七祀曰司命曰中霤曰國門曰國行曰泰厲曰戶曰竈玉自為立七祀諸侯為國立五祀曰司命曰中霤曰國門曰國行曰公厲諸侯自為立五祀大夫立三祀曰族厲曰門曰行適士立二祀曰門曰行庶士庶人立一祀或立戶或立竈是其義也

望可也 已有例在僖三十一年復發傳者嫌牛死

與卜不從異 復扶 ○晉侯伐鄭及邲鄭及晉平十

會入盟 邲鄭地為夏楚侵鄭傳 ○邲 ○楚子伐陸

渾之戎遂至於雒觀兵于周疆雒水出上雒冢領

山至河南鞏縣入河疆居良反定王使王孫滿勞楚子

圖王孫滿周大夫勞力報反楚子問鼎之大小輕重焉

圖示欲偪周取天下對曰在德不在鼎昔夏之方有

德也禹之世雅反**圖**遠方圖物圖畫山川奇異

之物而獻之貢金九牧使九州之牧貢金鑄鼎象

物象所圖物著之於鼎慮反舊直畧反**圖**百物而

為之備使民知神姦圖鬼神百物之形使民逆備

之故民入川澤山林不逢不若若順也螭魅罔兩

螭山神獸形魅怪物罔兩水神

○螭敕知反魅亡備反本又作彫罔

亡丈反兩本又作蝮音同說文云罔兩山川之精物也

罔

義曰螭山至水神○王

怪物先儒相傳為然魯語仲尼云木石之怪夔罔兩水之怪龍罔象則罔兩是木石之神杜以為水神者魯語賈逵註云罔兩罔象言有夔龍之形而無實體然則罔兩罔象皆是虛無當總彼之意非神名也上句言山林川澤則螭魅罔兩四神文十八年註螭魅山林異氣所生螭魅既為山林之神則罔兩宜為川澤之神故以為水神也

莫能逢之

罔逢遇也**用能協于上下以**

承天休

罔

民無災害則上下和而受天祐

○休許蚪反下同祐

音右**桀有昏德鼎遷于商載祀六百**

罔

載祀皆年

○載祀爾

雅云商曰祀唐虞曰載周曰年夏曰歲

罔

云唐虞曰載商曰祀周曰年

孫炎云載取物終更始祀取四時祭祀一訖年取年穀一熟是載祀皆年之別名復言之耳律歷志云商三十一王六百二十九年

商紂暴虐鼎遷于周德之休明雖小重也不可遷九糾直反其姦回昏亂雖大輕也言可

移天祚明德有所底止底致也○祚才故反底音肯成王定

鼎于郊鄆○郊鄆今河南也武王遷之成王定之郊

古洽反卜世三十卜年七百天所命也周德雖衰天命未改鼎之輕重未可問也卜世至七百○正義曰律歷志云周三十

六王八百六十七年過卜數也○夏楚人侵鄭鄭即晉故也○宋文

公即位三年殺母弟須及昭公子武氏之謀也武

武

氏謀奉母弟須及昭公子以作亂事在文十八年使

戴桓之族攻武氏於司馬子伯之館盡逐武穆之族

武穆之族以曹師伐宋秋宋師圍曹報武氏之亂也

○冬鄭穆公卒初鄭文公有賤妾曰燕姑姑南燕

姓○姑其乙反夢天使與已蘭蘭香草與已蘭

○正義曰夢言天者皆非天也此既言天使與已蘭

即云余為伯儵儵即非天也伯儵不得自稱為天天

不得變為伯儵明是夢者恍惚之言耳成五年晉趙

嬰夢天使謂已祭余余福女上天之神聰明正直寧

當就淫亂之人降福以求食乎昭四年叔孫穆子夢

天壓已弗勝號豎牛助而勝之若是上天之神寧當

與豎牛爭力而不勝也明皆恍惚之言曰余為伯儵

余而祖也

國

伯儵南燕祖

儵直雷反

以是為而子

國

以

蘭為女子名

音女

以蘭有國香人服媚之如是

國

媚

愛也欲令人愛之如蘭

媚亡冀反令力呈反

既而文公見之

與之蘭而御之辭曰妾不才幸而有子將不信敢徵

蘭乎

國

懼將不見信故欲計所賜蘭為懷子月數公

曰諾生穆公名之曰蘭文公報鄭子之妃曰陳媯

國

鄭子文公叔父子儀也漢律淫季父之妻曰報

媯九危

生子華子臧子臧得罪而出

國

出奔宋

臧作誘郎反

子華而殺之南里

國

在僖十六年南里鄭地使盜殺

子臧於陳宋之間在僖二十四年又娶于江生公

子士朝于楚楚人酖之及葉而死葉楚地今南陽

葉縣酖直蔭反朝于楚正義曰諸侯大子攝

亦稱朝者以大子稱朝故傳亦通言之其實合稱聘耳又娶于蘇生子瑕子俞

彌俞彌早卒洩駕惡瑕文公亦惡之故不立也洩

駕鄭大夫俞音偷惡公逐羣公子公子蘭奔晉從

晉文公伐鄭在僖三十年又從如字石癸曰吾聞

姬姑耦其子孫必蕃姬姓宜為姬配耦反癸居揆

同下姑吉人也后稷之元妃也姬姓之女為后稷妃

周是以興故曰吉人今公子蘭媿甥也天或啓之必

將為君其後必蕃先納之可以亢寵亢極也○亢苦浪

反與孔將鉏侯宣多納之盟于大宮而立之大宮

鄭祖廟鉏仕俱反以與晉平穆公有疾曰蘭死吾

其死乎吾所以生也大音泰注同刈蘭而卒傳言穆氏所以大

興於鄭天所啓也刈魚廢反

經四年春王正月公及齊侯平莒及邾莒人肯公伐

莒取向莒邾二國相怨故公與齊侯共平之向莒

邑東海承縣東南有向城遠疑也○邾音談向舒亮反承韋昭之說

一作丞
又音拯

秦伯稻卒

國

無傳未同盟

○稻徒
老反

夏六月乙酉鄭公子歸生弑其君夷

國

傳例曰稱臣臣

之罪也子公實弑而書子家罪其權不足也

赤狄侵齊

國

無傳

秋公如齊公至自齊

國

無傳告于廟例在桓三年

冬楚子伐鄭

傳四年春公及齊侯平莒及邾莒人不肯公伐莒取

向非禮也平國以禮不以亂伐而不治亂也

國

責公

不先以禮治之而用伐○不治直吏反以亂乎亂何治之有

無治何以行禮○楚人獻鼃於鄭靈公穆公天子

夷也○音元公子宋與子家將見○音元宋子公也子家歸

生○見賢子公之食指動○音元第二指也○正義曰

大射禮云右巨指鉤○鄭玄云右巨指右手大擘也又曰設決朱極三鄭玄云極猶放也所以韜指利放

弦也以朱韋為之三者食指將指無名指小指短不用然則手之五指之名曰巨指食指將指無名指小

指也定十四年傳闔閭傷將指取其履註云其足大指見斬遂失履謂大指為將指者言其將領

諸指也足之用力大指為多手之取物中指最長故足以大指為將指手以中指為將指其食指者食所

偏用服虔云俗所謂噍鹽指也以示子家曰他日我如此必嘗異味

及入宰夫將解鼈相視而笑公問之問所笑如字

一音蟹 **鼈** 鼈。正義曰說文云鼈大鼈也玄中要記曰千歲之鼈能與人語 子家以告

及食大夫鼈召子公而弗與也欲使指動無效

音嗣 子公怒染指於鼎嘗之而出公怒欲殺子公子公

與子家謀先先公為難 子家曰

畜老猶憚殺之六畜 而況

君乎反譖子家子家懼而從之譖子家於公夏弒

靈公書曰鄭公子歸生弒其君夷權不足也子家

權不足以禦亂懼譖而從弒君故書以首惡御魚呂反

君子曰仁而不武無能達也

國

初稱畜老仁也不討

子公是不武也故不能自通於仁道而陷弑君之罪

凡弑君稱君君無道也稱臣臣之罪也

國

稱君謂唯

書君名而稱國以弑言衆所共絕也稱臣者謂書弑

者之名以示來世終爲不義改殺稱弑辟其惡名取

有漸也書弑之義釋例論之備矣

國

凡弑至之罪○正義曰晉語云

趙宣子曰大者天地其次君臣則君臣之交猶父子也君無可弑之理而云弑君稱君君無道者弑君之人固爲大罪欲見君之無道罪亦合弑所以懲創將來之君兩見其義非赦弑君之人以弑之爲無罪也釋例曰天生民而樹之君使司牧之羣物所以繫命故戴之如天親之如父母仰之如日月事之如神明

其或受雪霜之嚴雷電之威則奉身歸命有死無貳
故傳曰君天也天可逃乎此人臣所執之常也然本
無父子自然之恩未無家人習翫之愛高下之隔縣
殊壅塞之否萬端是以居上者降心以察下表誠以
感之然後能相親也若夫高自肆羣下絕望情義圯
隔是謂路人洋君臣也人心苟離則位號雖存無以
自固故傳例曰凡弑君稱君君無道稱臣臣之罪稱
君者唯書君名而稱國稱人以弑言衆之所共絕也
稱臣者謂書弑者主名以垂來世終爲不義而不可
赦也然君雖不君臣不可以不臣故宋昭之惡罪及
國人晉荀林父討宋曰何故弑君猶立文公而還深
見貶削懷諸賊亂以爲心者固不容於誅也若鄭之
歸生齊之陳乞楚之公子比雖本無其心春秋之義
亦同大罪是以君子慎所以立也諸侯不受先君之
命而篡立得與諸侯會者則以成君書之齊商人蔡
侯班之屬是也若未得接於諸侯則不稱爵楚公子
棄疾殺公子比蔡人殺陳佗齊人殺無知衛人殺州
吁公子瑕之屬是也諸侯篡立雖以會諸侯爲正此

列國之制也至於國內策名委質卽君臣之分已定故殺不成君者亦與成君同義傳曰會于平州以定公位又云若有罪則君列諸會矣此以會爲斷也經書趙盾弑君而傳云靈公不君又以明於例此弑宜稱君也弑非趙盾而經不變文者以示良史之意深責執政之臣傳特見仲尼曰越竟乃免明盾亦應受罪也醫不三世不服其藥古之慎戒也人子之孝當盡心嘗禱而已藥物之劑非所習也許止身爲國嗣國非無醫而輕果進藥故罪同於弑二者雖原其本心而春秋不赦蓋爲教之遠防也楚靈無道於民於例當稱國以弑公子比首兵自立楚衆散歸而靈王縊死故以比爲弑王也比旣得國國人驚亂棄疾從而扇之比懼自殺皆棄疾之由故書公子棄疾殺公子比也左氏義例止此而已其餘小異皆從趙也劉賈許穎以爲君惡及國朝則稱國以弑君惡及國人則稱人以弑按傳鄭靈宋昭經文異而例同故重發以同之子弑其父又嫌異於他臣亦重明其不異旣不辭別國之與人而傳云莒杞公多行無禮於國大

子僕因國人以弑之經但稱國不稱人知國之與人雖言別而事一也杜言小異從赴者宋之蒙澤楚之乾谿俱是國內而弑捷不書蒙澤齊商人衛州吁俱是公子而州吁不稱公子諸如此類所有不同皆從赴也此弑君之例有君罪臣罪之異而諸侯出奔皆不書逐君之人以罪臣者以君之見弑未必皆為無道故立臣罪之文以見君有無罪死者國君而被臣逐悉是不能固位其罪皆在於君故杜諸侯出奔例云諸侯奔者皆迫逐而苟免非自出也仲尼之經更沒逐者主名以自奔為文者責其不能自安自固所犯非徒所逐之臣也蔡侯朱雖無罪據其失位出奔亦其咎也是說逐君無罪臣之文意也

立子良

國

穆公庶子辭曰以賢則去疾不足

國

去疾

子良名

國 去起呂反下皆同

以順則公子堅長乃立襄公

國

襄

公堅也

國 長丁丈反

襄公將去穆氏

國

逐羣兄弟而舍子

良

國

以其讓已

○舍音蔽下同

子良不可曰穆氏宜存則固

願也若將亡之則亦皆亡去疾何為

國

何為獨留乃

舍之皆為大夫○初楚司馬子良生子越椒子文曰

必殺之

國

子文子良之兄是子也能虎之狀而豺狼

之聲弗殺必滅若敖氏矣諺曰狼子野心是乃狼也

其可畜乎子良不可子文以為大憾及將死聚其族

曰椒也知政乃速行矣無及於難且泣曰鬼猶求食

若敖氏之鬼不其餒而

國

而語助言必餒

○難乃且反餒奴罪

也反餓及令尹子文卒鬪般為令尹

國

般子文之子子

揚音班子越為司馬為賈為工正譖子揚而殺之子

越為令尹已為司馬賈為椒譖子揚而已得椒處

○薦于委反賈為于偽反處昌慮反子越又惡之惡賈反註同乃

以若敖氏之族圉伯贏於轅陽而殺之圉囚也伯

羸薦賈也轅陽楚邑○圉魚呂反羸音盈轅音遼遂處烝野將攻

王王以三王之子為質焉弗受烝野楚邑三王文

成穆○烝之承反質音致師于漳漳水邊漳○漳音章

漳漳漳水邊○正義曰釋例云漳水出新城汴鄉縣南至荆山東南經襄陽南郡當陽縣入沮爾

雅水邊之名唯有涯涘岸澣無以滋為水邊者但此云漳溼成十五年六決睢溼睢漳皆水名舉水名而

言濊知濊是水邊也 **秋七月戊戌楚子與若敖氏戰于臯澣**

臯澣楚地 許呼 **伯棼射王汰輶及鼓跗著於丁寧**

伯棼越椒也 輶車輶汰過也 箭過車輶上丁寧鉦

也 棼扶云反射食亦反下同汰他來反 **及鼓跗**

輶陟雷反跗芳扶反著直畧反鉦音正 **著於丁寧**

○正義曰車上不得置箕箒以縣鼓故為作跗若

殷之楹鼓也言著於丁寧則丁寧是器晉語云伐備

鍾鼓聲其罪也戰以淳于丁寧微其民也是丁寧戰

之用也周禮鼓人以金錡和鼓鄭玄云錡淳于也其

形圓如確頭以金錡節鼓鄭玄云錡鉦也形如小鍾

軍行鳴之以為鼓節是錡即淳于錡即丁寧故先儒

皆以錡為鉦之別 **又射汰輶以貫笠轂**

名丁寧即足鉦也 **兵車無蓋**

尊者則籩人執笠依轂而立以禦寒暑名曰笠轂此

言箭過車轅及王之蓋

○貫古亂反笠音立轂古木反

兵車至之蓋○正

義曰服虔云笠轂轂之蓋如笠所以蔽轂上以禦矢也一曰車轂上鐵也或曰兵車旁幔輪謂之笠轂杜以彼為不安故改之而為此說亦是以意而言差於人情為近耳 師懼退王使巡師

曰吾先君文王克息獲三矢焉伯葵竊其二盡於是

矣鼓而進之遂滅若敖氏初若敖娶於邲邲國名

○邲本又作鄭音云王使至是矣○正義曰此是疆軍人之

作唯三而已且射中王車田射之工不由矢善若其由矢王國猶有一矢何不一發以取越椒 生鬪

伯比若敖卒從其母畜於邲畜養也淫於

邲子之女生子文焉邲夫人使棄諸夢中夢澤名

江夏安陸縣城東南有雲夢城

○夢音蒙 又亡貢反

虎乳之邳

子田見之懼而歸夫人以告

告女私通所生

○乳如主

遂使收之楚人為乳穀謂虎於菟故命之曰鬬穀

於菟以其女妻伯比

伯比所淫者

○穀如口反於音烏菟音徒妻

實為令尹子文

鬬氏始自子文為令尹其孫

箴尹克黃

箴尹官名克黃子揚之子

○箴之金反

使於

齊還及宋聞亂其人曰不可以入矣箴尹曰棄君之

命獨誰受之君天也天可逃乎遂歸復命而自拘於

司敗王息子文之治楚國也曰子文無後何以勸善

使復其所改命曰生

國

易其名也

○使於所吏
反拘音俱

疏

國

共名○正義曰言越椒之亂合誅絕其
族今更存立故命曰生言應死而重生

○冬楚子伐

鄭鄭未服也

國

前年楚侵鄭不獲成故曰未服

諸證圖
ZHUJI LI

春秋左傳註疏卷第二十二 宣公五年 盡十一年

晉杜氏註

唐孔穎達疏

經五年春公如齊

夏公至自齊

秋九月齊高固來逆叔姬 高固齊大夫不書女歸降

於諸侯 高固至諸侯也 正義曰僖五年公孫茲如牟註云娶於牟也 卿非君命不越竟故

奉公命聘於牟因自為逆然則此高固亦是因來聘而自逆也 經書公孫茲如牟是以聘為文此高固以

逆為文不言聘者此二者皆以非君之命不得越竟請君行聘而因自逆妻本意為逆不為聘也從魯而

出私娶輕而君命重故書聘不書逆自外而來則嫁
 女重而受聘輕故書逆不書聘內外之異文耳諸侯
 嫁女於大夫則使大夫為之主而書於經者行禮為
 尊卑不敵故使大夫為主耳其女適他族以先公遺
 體許人必告於廟故書之耳嫁於諸侯者皆書其歸
 此不書歸者差降於諸侯也非齊夫人不得言歸于
 齊若言歸于齊高氏則不嫁于大
 夫非公之敵故不得書其歸也

叔孫得臣卒

無傳

不書日公不與小斂

斂力驗反

冬齊高固及子叔姬來

叔姬寧固反馬

叔姬寧固反馬

叔姬寧固反馬

正義曰傳言來反馬也據高固為文耳嫌叔姬亦為
 反馬故辨之二者各有所為而且相隨行耳女既適
 人當稱夫族宋蕩伯姬是其事也叔姬已適高氏而
 言猶子叔姬者以其所歸於夫反馬乃成為婦今始
 來反馬故以父
 母之辭言之

楚人伐鄭

傳五年春公如齊高固使齊侯止公請叔姬焉留

公强成昏

○强其丈反

夏公至自齊書過也

公既見

止連昏於隣國之臣厭尊毀列累其先君而於廟行

飲至之禮故書以示過

○厭於涉反累劣偽反

公既至示過○正義曰

凡公行還書至者往反無咎喜之而告廟也公如齊見止求與高固為昏方始得歸當以耻而不告亦復告廟飲至故依常書之以示過釋例曰凡反行飲至必以嘉會昭告祖禰有功則舍爵策勳無勳無勞告事而已若夫執止之辱厭尊毀列所以累其先君忝其社稷故當克躬罪已不以嘉禮自終宣公如齊既已見止連昏於隣國之臣而行飲至之禮故

○秋九

月齊高固來逆女自為也故書曰逆叔姬卿自逆也

禮 適諸侯稱女適大夫稱字所以別尊卑也此春秋

新例故稱書曰而不言凡也不於莊二十七年發例

者嫌見逼而成昏因明之○自為于偽**禮** 適諸至

義曰俱是外來逆女適諸侯諸侯遣臣來逆則稱逆

女紀裂繻來逆女是也適大夫大夫自來逆則稱所

逆之字此高固來逆叔姬是也二文不同所以別尊

卑也傳言卿自逆者別其與君逆也莊二十七年莒

慶來逆叔姬文與此同不於彼發例者嫌此高固

見迫而成昏與常例或異故因此以明其不異也○

冬來反馬也**禮** 送女留其送馬謙不敢自安三月

朝見遣使反馬高固遂與叔姬俱寧故經傳具見以

示譏

○廟見賢遍反

送

禮送至示譏○正義曰禮

馬謙不敢自安於夫若被出棄則將乘之以歸故留之也至三月廟見夫婦之情既固則夫家遣使反其所留之馬以示與之偕老不復歸也法當遣使不合親行高固因叔姬歸寧遂親自反馬與之俱來故經傳具見其事以示譏也儀禮昏禮者士之禮也其經無反馬故何休據之作膏肓以難左氏言禮無反馬之法鄭玄答之曰冠義云無大夫冠禮而有其昏禮則昏禮者天子諸侯大夫皆與也士昏禮云主人爵弁纁裳緇衣乘墨車從車二乘婦車亦如之此婦車出於夫家則士妻始嫁乘夫家之車也詩鵲巢云之子于歸百兩御之又曰之子于歸百兩將之將送也國君之禮夫人始嫁自乘其家之車也則天子諸侯嫁女留其乘車可知也高固大夫也來反馬則大夫亦留其車也禮雖散亡以詩之義論之大夫以上其嫁皆有留車反馬之禮留車妻之道也反馬壻之義也高固以秋九月來逆叔姬冬來反馬則婦入三月

祭行乃反馬禮也是說禮有反馬之法唯高固不宜親行耳杜言三月廟見謂無舅姑者士昏禮婦至其夕成昏質明贊見婦於舅姑若舅姑既沒則婦入三月然後祭行玄云奠菜者祭菜也又記曰婦入三月然後祭行鄭玄云謂助祭也曾子問篇端稱孔子曰三月而廟見稱來婦也擇日而祭于禰成婦之義也鄭玄云謂舅姑沒者是舅姑沒者以三月而祭因以三月為反馬之節舅姑存者亦當以三月反馬也十昏禮又稱若不親迎則婦入三月然後婿見于妻之父母此高固親迎則不須更見故譏其親反馬也按杜註經云叔姬寧固反馬傳唯舉反馬不言寧者以寧是常事唯反馬非禮故傳舉其非禮者○

楚子伐鄭陳及楚平晉荀林父救鄭伐陳



為明年

晉衛侵陳傳

經六年春晉趙盾衛孫免侵陳

夏四月

秋八月螽

無傳

冬十月

傳六年春晉衛侵陳陳即楚故也○夏定王使子服

求后于齊**子服周大夫**○秋赤狄伐晉圍懷及邢

丘**邢丘今河內平臯縣**晉侯欲伐之中行桓子曰

使疾其民**驕則數戰為民所疾**○數所**以盈其貫**

將可殪也**殪盡也貫猶習也**○貫古患反註**同殪於計反**

盡至習也○正義曰釋詁云貫習也殪死也言其死盡故以殪為盡盈其貫者杜以為盈滿其心使貫習

春秋左傳

卷之三十四

及古閣

來伐劉炫云按尚書秦誓武王數紂之惡云商罪貫盈言紂之為惡如物在繩索之貫不得為習也今知不然者以詩稱射則貫兮先儒亦以為習故杜用焉義得兩通劉直以尚書之文而規杜過恐非也

書曰殪戎殷周書康誥也義取周武王以兵伐殷

盡滅之周書曰殪戎殷○正義曰如杜所註戎訓為兵謂以兵伐殷而殪盡也殪字宜在下

以周書本文此類之謂也為十五年晉滅狄傳為

于偽反下註同○冬召桓公逆王后于齊召桓公王卿士

事不關魯故不書為成二年至甥舅張本○召上照反○

楚人伐鄭取成而還九年十一年傳所稱屬之役

蓋在此○鄭公子曼滿與王子伯廖語欲為卿王

子鄭大夫

○曼音萬
廖力彫反

伯廖告人曰無德而貪其在周

易豐



離下震上豐之離



豐上六變而為純

離也周易論變故雖不莖必以變言其義豐上六曰

豐其屋蔀其家闕其戶闐其無人三歲不覲凶義取

無德而大其屋不過三歲必滅亡

○蔀步口反又普
口反闕古規反闐

舌鴟反覲



豐上至滅亡

○正義曰豐卦震上離

徒歷反



下震為動離為明動而益明豐大之義

豐卦上六變而為純離之卦故為豐之離也杜以莖

得此卦爻變而為彼卦可言遇觀之否遇坤之比耳

此直口語不是揲著而亦言豐之離者周易論變為

義故雖不莖論易者必以變言其義故言豐之離也

杜又引豐上六至不覲凶皆周易之文也王弼以為

上六以陰處極而最在外不履於位深自幽隱絕跡

深藏者也。蔀者覆鄣之物也。豐大其屋，又鄣蔽其家，闇之甚也。以甚闇而處木屋，不能久享其利。其屋雖大，其室將空，故闕其戶而闐然無人。也經三歲而未能顯見，則凶伯廖引此者，義取無德而居，乃屋不過三歲必滅。云弗過之矣。不過三年間一歲，鄭人殺之。間。

間廁之

經七年春衛侯使孫良夫來盟

夏公會齊侯伐萊。傳例曰：不與謀也。萊國今東萊黃

縣

○萊音來。衛侯至來盟。正義曰：文二年晉人不與音預。以公不朝使陽處父盟，公以馳之書

曰：及晉處父盟，去其族以厭恥也。然則公與大夫對盟，則為恥辱。此良夫來盟，無貶責者。彼公親朝晉，晉侯不與公盟，故遣大夫敵公，是為恥辱。此不貶責者，其君不得親來，遣臣來與公盟，不對彼君，非為恥也。

秋公至自伐萊無傳

大旱無傳書旱而不書雩雩無功或不雩

冬公會晉侯宋公衛侯鄭伯曹伯于黑壤壤如丈反

傳七年春衛宋桓子來盟始通且謀會晉也公即

位衛始修好好呼報反○夏公會齊侯伐萊不與謀也

凡師出與謀曰及不與謀曰會與謀者謂同志之

國相與講議利害計成而行之故以相連及為文若

不獲已應命而出則以外合為文皆據魯而言師者

國之大事存亡之所由故詳其舉動以例別之不與音

預下及註與謀同年未不與放此
 應應對之應別彼列反下註同
 與謀者同志之國彼我之計未定相與共謀講議利
 害計成而後行之故以相連及為文不與謀而出師
 者謂不得已而應命故以外合為文皆據魯而言之
 也公親會齊侯伐萊而傳以師出示例所以通卿大
 夫帥師者也魯既春會于曹以謀伐鄭夏遂起師而
 更從不與謀之文者厲公篡天子忽之位謀而納之
 非正故諱不與謀之例若夫盟主之令則上行乎下
 非匹敵和成之類故雖或先謀皆從不與謀之例成
 八年晉士燮來聘且言將伐鄭下云會伐鄭是也凡
 乞師者深求過禮之辭執謙以偏成其計故雖小國
 乞之於大國大國乞之於小國亦皆從不與謀之例
 臧宣叔卻錡是也傳以師出為例是唯繫於戰伐而
 劉賈許穎濫以經諸及字為義本不在例今欲強合
 之所以多相錯亂也杜言小乞大大乞小者僖二十
 六年公子遂如楚乞師成二年臧宣叔如晉乞師是
 小國乞於大國也成十三年卻錡來乞師十六年欒

凡師至曰會

正義曰釋例曰

釐來乞師十七年荀釐來乞師十八年士魴來乞師
是大國乞於小國也與謀者心俱欲伐彼此同謀乞
師者非彼所欲乞來為已也我乞彼者彼不與我謀
彼乞我者我不與彼謀是故凡言乞者皆從不與謀
之例宣叔是小乞大卻錡是大乞小除晉乞魯以外
更無大乞小者故舉卻錡以辨乞小之事耳晉是盟
主自是上行乎下例無與謀之文 ○赤狄侵晉取向
不由卻錡乞師乃從不與謀之例

陰之禾

此無秋字蓋闕文晉用桓子謀故縱狄向

舒亮

反

此無秋字蓋闕文 ○正義曰苗秀乃名為
禾夏則無禾可取知此取必在秋此無秋字

蓋闕

○鄭及晉平公子宋之謀也故相鄭伯以會冬

盟于黑壤王叔桓公臨之以謀不睦 王叔桓公周

卿士銜天子之命以監臨諸侯不同歆者尊卑之別

也。○相息亮反。歛所洽反。○晉侯之立也。在二年

公不朝焉。又不使大夫聘。晉人止公于會。盟于黃父。

公不與盟。以賂免。黃父即黑壤。故黑壤之盟不書

諱之也。慢盟主以取執止之辱。故諱之。慢盟

○正義曰。昭十三年公會劉子。晉侯云于平丘。八月

甲戌同盟于平丘。公不與盟。於時晉以讒慝弘多。不

與公盟。公不得與非國之耻。故書其同盟而顯言不

與。此時公實有罪。為晉所執。不得與盟。是公之耻。故

諱而不書其盟。若言諸侯實不盟。公無所可與。然

經八年春公至自會。無傳。義與五年書過同。義與五

年書過同。正義曰。被執不以為恥。而亦告廟。飲

至。故書之以示過也。故杜云。義與五年書過同。

夏六月公子遂如齊至黃乃復國無傳蓋有疾而還大

夫受命而出雖死以尸將事遂以疾還非禮也國蓋

有至禮也○正義曰下言其卒故疑有疾而還也聘

禮曰賓入竟而死遂也若實死未將命則既斂于棺

造于朝介將命哀十五年傳曰有朝聘而終以尸將

事之禮是入所聘之竟則當遂行黃是齊竟遂以疾

還非

禮也

辛巳有事于大廟仲遂卒于垂國有事祭也仲遂卒與

祭同日略書有事為釋張本不言公子因上行還聞

無異事省文從可知也稱字時君所嘉無義例也垂

齊地非魯竟故書地

○大音泰傳同為于偽國有反省所景反竟音境國事至

書地○正義曰有事祭也者謂禘祭也釋例以昭十五年有事于武宮傳稱禘于武公則知此言有事亦是禘也祭之日仲遂卒不言禘而略言有事者禘事得常不主書禘為下釋祭張本耳上言公子遂如齊此言仲遂卒不言公子者此書有事為仲遂卒而書之與上相連猶是一事因上行還間無異事省公子之文從可知也衛氏難杜云其間有卒已有事于大廟何得為間無異事秦氏釋云有事于大廟是為仲遂卒起文只是一事故云間無異事也既不稱公子而稱仲遂者時君所嘉寵故稱其字非義例也定五年傳季平子行東野卒于房房是魯地卒于竟內故不書其地垂是齊地非魯竟故書地也

壬午猶繹萬入去籥

釋

又祭陳昨日之禮所以賓尸

萬舞召籥管也猶者可止之辭魯人知卿佐之喪不宜作樂而不知廢繹故內舞去籥惡其聲聞

○去起呂反註

及傳同籥羊略反管音館惡
鳥路反聲聞音問又如字

疏

義曰釋又祭釋祭文

孫炎云祭之明日尋釋復祭也公羊傳曰釋者何祭
之明日也穀梁傳云釋者祭之旦日之享賓也天子
諸侯謂之爲釋少牢饋食大夫之禮也謂之賓尸釋
詰云釋陳也是陳昨日之禮以賓敬此尸也公羊傳
曰萬者何于舞也籥者何籥舞也其言萬入去籥何
去其有聲者廢其無聲者知其不可而爲之也猶者
何通可以已也是萬爲舞名禮明堂位曰朱于玉戚
冕而舞大武于楯也戚斧也此舞者左手執楯右手
執斧故謂之武舞言王者以萬人服天下故以萬爲
名詩言碩人之舞云左手執籥右手秉翟鄭玄云籥
如管六孔何休云吹之以節舞也故吹籥而舞謂之
文舞魯人知卿佐之喪不宜作樂故去其有聲而不
知廢繹納舞去籥惡其聲聞也尋杜註意直云萬舞
名以註隱五年亦直云萬舞也下問羽數則萬是舞
之大名不取公羊萬是于舞之義則執羽吹籥是爲
萬舞故杜云納舞去籥惡其聲聞是無于舞籥舞之

別名也沈氏云案曾子問嘗禘郊社蓋簋既陳天子崩后之喪廢則卿喪不廢正祭繹是又祭為輕故當廢之

戊子夫人嬴氏薨無傳宣公母也

晉師白狄伐秦

楚人滅舒蓼

秋七月甲子日有食之既無傳月三十日食

冬十月己丑葬我小君敬嬴敬諡嬴姓也反哭成喪

故稱葬小君敬諡○正義曰諡法夙夜敬事曰敬

向不文同葬我小君而克葬克成也
○正義曰定

十五年九月丁巳葬我君定公雨不克葬戊午日下
昃乃克葬彼云乃此云而者公羊傳曰而者何難也
乃者何難也曷為或言而或言乃乃難乎而也何休
云難者臣子重難不得以正日葬其君言乃者內而
深言而者外而淺下曷曰昃久故言乃左氏無
傳杜又不說或如公羊之言或是史家異辭

城平陽

國今泰山有平陽縣

楚師伐陳

傳八年春白狄及晉平夏會晉伐秦

國經在仲遂卒

下從赴晉人獲秦謀殺諸絳市六日而蘇

國蓋記異

也
○諜徒協反問也今謂之細作絳古巷反
○有事于太廟襄仲卒而繹

非禮也
○楚為衆舒叛故伐舒蓼滅之

國舒蓼二國

名○為于
舒蓼二國名○正義曰舒蓼二國名
者蓋轉寫誤當云一國名按釋例土地

名有舒羣舒舒蓼舒庸舒鳩以為五名則與文五
年滅蓼同蓋蓼滅後更復故楚今更滅之劉炫以杜

為一國而規之非也**楚子疆之**正其界也
疆居**及滑汭**

滑水名○滑下入反汭如**盟吳越而還**
吳國今吳

郡越國今會稽山陰縣也傳言楚疆吳越服從○會

反稽古今反盟吳越而還正義曰譜入吳姬姓

疆其良反周大王之子大伯仲雍之後大伯仲

雍讓其弟季歷而去之荆蠻自號句吳句或為工夷

言發聲也大伯無子而卒仲雍嗣之當武王克殷而

囚封其曾孫周章於吳為吳子又別封章弟虞仲於

虞自大伯五世而得封十二世而晉滅虞虞滅而吳

始大至壽夢而稱王壽夢以上世數可知而不紀其

年壽夢元年魯成公之六年也夫差十五年獲麟之

歲也二十三年魯哀公之二十二年而越滅吳越姒
妣其先夏后少康之庶子也封於會稽自號於越於
者夷言發聲也濱在南海不與中國通後二十餘世
至于允常魯定公五年始伐吳允常卒子句踐立是
為越王越王元年魯定公之十四年也魯哀公二十
二年句踐滅吳霸中國卒春秋後七世大為楚所破
遂微弱矣外傳曰芊姓歸越是越
本楚之別封也或非夏后之後也 ○晉胥克有蠱疾

蠱 惑以喪志 ○蠱音古 喪息浪反 卻缺為政 **國** 代趙盾秋廢胥

克使趙朔佐下軍 **國** 朔盾之子代胥克為成十七年

胥童怨卻氏張本 ○冬葬敬嬴早無麻始用葛 **第**

記禮變之所由第所以引柩殯則有之以備火葬則

以下柩 ○第方勿反引棺 索也柩其又反 **國** **國** 記禮至下柩 ○正義 曰禮記諸言自某始者

皆與後人為始此云始用葛菲則自此以後常用葛
 故云記禮變之所由菲字禮或作紼或作綽繩之別
 名也周禮遂人大喪屬六紼天子用六也喪大記君
 葬用四紼大夫士葬用二紼是紼者所以引柩也於
 殯則已有之繫於輜車以備火災有災
 則引柩以辟火及葬則用之以下柩也

也禮卜葬先遠日辟不懷也
 也○正義

曰曲禮云凡卜筮日旬之外曰遠某日旬之內曰近
 某日喪事先遠日吉事先近日鄭玄云喪事葬與練
 祥也吉事祭祀冠取之屬也然則先近日先卜上旬
 不吉卜次旬又不吉卜下旬喪事則先卜下旬卜葬
 先卜遠日辟不思念其親似欲汲汲而早葬之也今
 若冒雨而葬亦是不思其親欲得早葬故舉卜葬先
 遠日以證為雨而止禮也王制云庶人葬
 不為雨止者鄭玄云雖雨猶葬禮儀少也

書時也○陳及晉平楚師伐陳取成而還
 言晉楚

爭強

經九年春王正月公如齊無傳公至自齊無傳

夏仲孫蔑如京師

齊侯伐萊無傳

秋取根牟根牟東夷國也今琅邪陽都縣東有牟鄉

八月滕子卒未同盟

九月晉侯宋公衛侯鄭伯曹伯會于扈

晉荀林父帥師伐陳

辛酉晉侯黑臀卒于扈卒於竟外故書地四與文同

盟九月無辛酉日誤

○竟音境釋例曰釋例扈是鄭地故云卒於至日誤○正義

卒於竟外黑臀以二年始立而云四與文同盟者杜

註春秋又為釋例前後經傳勘當備盡豈晉侯二年

始立不干文公之世而云四與文同盟必是後寫之

誤蘇氏亦以為然劉炫以此規杜非也其君卒或書

地或不書地皆從赴今云卒於竟外故書地者晉侯

實在竟外卒非以為例也劉炫云襄七年鄭伯髡頑

卒於鄆昭二十五年宋公佐卒於曲棘竟內亦書地

非竟外九月無辛酉者下有十月癸酉杜以長歷推

之癸酉是十月十六日辛酉在前十二日耳耳亥

云九月無辛酉上有八月下有十月非月誤也

冬十月癸酉衛侯鄭卒

釋例無傳三與文同盟釋例三與文同盟

○正義曰鄭父燬以僖二十五年卒鄭代立其年盟

于洮二十六年于向二十八年于踐土文七年于扈

十四年于新城唯二與文同盟云三者以二三字體

相近轉寫之誤耳若其不然杜無容不委劉炫以此

規杜
非也

宋人圍滕

楚子伐鄭

晉卻缺帥師救鄭

陳殺其大夫洩冶

臣

洩冶直諫於淫亂之朝以取死故

不為春秋所貴而書名

洩息列反治音也

臣

洩冶至書名正義曰文入

年宋人殺其大夫司馬貴之而不名此書洩冶之名
是不為春秋所貴故書名傳稱臣者所以治煩去惑
是以伏死而爭則直諫者臣之盡忠之爭洩冶忠諫
而死不為春秋所貴者釋例曰魯哀之可諫者甚眾
未聞仲尼之苦言至于陳恒弑其君孔子沐浴而朝
告於哀公求討不義顯事施舍足以致益者固人臣

之所當造膝也若乃情色之惑君不能得之於臣父不能得之於子臣子而欲顯直於其君父適所以益謗而致罪也陳靈公宣淫恃德亂倫志同禽獸非盡言所救洩治進無匡濟遠策退不危行言孫安昏亂之朝慕匹夫之直忘蘧氏可卷之德死而無益故經同罪賤之文傳特稱仲尼以明之忠爲令德非其人猶不可況不令乎此其義也是說不貴洩治之意也然則比干諫紂而死孔子稱殷有三仁焉善比干者家語云子貢曰陳靈公君臣宣淫於朝洩治諫而殺之是與比干諫死同可謂仁乎孔子曰比干於紂親則諸父官則少師忠款之心在於存宗廟而已固當以必死爭之冀身死之後紂當悔悟本志存於仁者也洩治之於靈公位在大夫無骨肉之親懷寵不去仕於亂朝以區區之身欲止一國之淫昏死而無益可謂狷矣詩云民之多辟無自立辟其洩治之謂乎是言洩治之行不得同於比干之意也

傳九年春王使來徵聘

三

徵召也言周徵也徵聘不

書微加諷諭不指斥○諷芳夏孟獻子聘於周王以

為有禮厚賄之○賄呼罪反秋取根牟言易也○易

以鼓反滕昭公卒○為宋圍滕傳會于扈討不睦

也○謀齊也陳侯不會○前年與楚成故晉荀林父

以諸侯之師伐陳○不書諸侯師林父帥之無將帥

○將子匠反帥所類反○不書至將帥正義曰僖二十八

城濮彼註云宋公齊國歸父秦小子愨既次城濮以

師屬晉不與戰也彼以師屬晉而經書其師此全不

書者彼雖公卿不行仍存大夫帥之將卑師眾故稱

帥耳此則全無將帥以兵付晉并入晉軍林父獨自

帥之故唯書林父伐陳也晉侯卒于扈乃還冬宋人圍滕因其

喪也○陳靈公與孔寧儀行父通於夏姬皆衷其相

服以戲於朝

禮記

子陳卿夏姬鄭穆公女陳大夫御

叔妻衷懷也袒服近身衣

○夏戶雅反衷音忠王丁仲反袒女乙反一音汝栗

反說文云日日所衣裳也字林同又云婦人近身內衣也仁一反御如字一音魚呂反近附近之近

冶諫曰公卿宣淫民無効焉

禮記

宣示也

○効戶教反

且聞

不令君其納之

禮記

納藏袒服

聞如字音問

公曰吾能改

矣公告二子二子請殺之公弗禁遂殺洩冶冶孔子曰

詩云民之多辟無自立辟其洩冶之謂乎

禮記

辟邪也

辟法也詩大雅言邪辟之世不可立法國無道危行

言孫

○禁居鴟反又音金多辟本又作僻匹亦反註同立辟媼亦反註同邪似嗟反下同行下孟反

孫音

○楚子為厲之役故伐鄭

六年伐楚鄭取成

於厲既成鄭伯逃歸事見十二年

○為于為反見賢遍反

○晉

卻缺救鄭鄭伯敗楚師于柳棼

柳棼鄭地

○柳力手反棼

扶云反

國人皆喜唯子良憂曰是國之災也吾死無日

矣

自是晉楚交兵伐鄭十二年卒有楚子入鄭之

禍

經十年春公如齊公至自齊

無傳

齊人歸我濟西田

元年以賂齊也不言來公如齊因

受之 ○濟子禮反

夏四月丙辰日有食之 無傳不書朔官失之

巳巳齊侯元卒 未同盟而赴以名

齊崔氏出奔衛 齊略見舉族出因其告辭以見無罪

○見賢遍反下同 齊略至無罪 ○正義曰崔杼有寵於

之寵又有寵於新君故畏其逼已因君薨而逐之崔杼未有罪也齊人疑其事故不言其名略言崔氏見

其舉族出奔耳及仲尼修之大夫出奔無罪不名不名即是無罪故因告稱氏而書氏以見無罪若貴之

或稱官或稱字如司城子哀之類是也

公如齊五月公至自齊 無傳

癸巳陳夏徵舒弑其君平國國徵舒陳大夫也靈公惡

不加民故稱臣以弑夏戶

雅反

六月宋師伐滕

公孫歸父如齊

葬齊惠公國無傳歸父襄仲之子

晉人宋人衛人曹人伐鄭國鄭及楚平故

秋天王使王季子來聘國王季子者公羊以為天王之

母弟然則字季子天子大夫稱字國王季至稱字

正義曰公羊

傳曰王季子者何天子之大夫也其稱王季子何貴也其貴奈何母弟也是公羊以為天王之母弟也母

弟而稱季子然則字季子也天子大夫例稱字襄三
 十年天王殺其弟佞夫母弟稱弟此不言王弟者釋
 例云朝聘盟會嘉好之事此兄弟之篤睦非義例之
 所與故仍舊史之策或稱弟或稱公子是山義無所
 見故因其舊文其相殺
 害乃稱弟以示義耳

公孫歸父帥師伐邾取繹繹邾邑魯國鄒縣北有繹

山音亦繹邾今魯仍取之非取邾之都也亦因繹山為名蓋近在邾都之旁耳

今魯仍取之非取邾之都也亦因繹山為名蓋近在邾都之旁耳

大水無傳

季孫行父如齊

冬公孫歸父如齊齊侯使國佐來聘既葬成君故稱

君命使也

饑國無傳有水災嘉穀不成

楚子伐鄭

傳十年春公如齊齊侯以我服故歸濟西之田國公

比年朝齊故○夏齊惠公卒崔杼有寵於惠公高國

畏其偏也國高國二家齊正卿○杼直也反公卒而

逐之奔衛書曰崔氏非其罪也且告以族不以名國

典策之法告者皆當書以名今齊特以族告夫子因

而存之以示無罪又言且告以族不以名者明春秋

有因而用之不皆改舊史

疏 傳言且告以族不以

名知法當以名告而齊人誤以族告也釋例云若乃

稱司城以貴效節於府人書歸父之還以善復命於

介因齊人告辭以著其無罪蓋隨事以示褒貶也傳

既云書曰崔氏以明非罪復云且告以族不以名知

典策之書舊當以名通也齊國雖繆以族告適合仲

尼新褒之實因而而不革以示無罪且明春秋之作或

因仍舊史成文不必皆有改也何休膏育以為公羊

譏世卿而難左氏蘇氏釋云崔杼祖父名不見經則

知非世卿且春秋之時諸侯擅相征伐猶尚不譏世

卿雖曰非禮夫子何由獨責又鄭駁異義引尚書世

選爾勞又引詩刺幽王絕功臣之世然則與凡諸侯

減繼絕王者之常譏世卿之文其義何在

之大夫違

疏 違奔放也○正義曰釋例曰迫窘而奔及以禮見

放俱去其國故傳通以違

為文是言違兼奔放也

告於諸侯曰某氏之守臣

某

國

上某氏者姓下某名

○守手
又反

國

○正義曰若言

崔氏之守臣杼也大夫受氏當世守宗廟故謂之守
臣言守宗廟之臣也僖十二年管仲云天子之二守
高國在彼謂天子命之為守國之臣與此異也知此
異於彼者蓋天子命者出奔乃得告於諸侯餘臣出
奔不得告也且下句云失守宗廟如守臣謂守宗廟
之臣非守國也天子賜姓諸侯賜族對文則姓與族
別散文則可以通禮謂族人為庶姓
故云上某出者姓其實正是族也

失守宗廟敢告

所有玉帛之使者則告

國

玉帛之使謂聘

○之使

國

玉帛之使謂聘○正義曰聘禮執玉致命命執帛致
享故云玉帛之使謂聘也下註云恩好不接故亦不
告又昭二十年曹公孫會自鄴出奔宋註云嘗有玉
帛之使來告故書則杜意以為奔者之身嘗有玉帛
之使於彼國已經相接則告之若奔者未嘗往聘恩
好不接則不告唯告奔者嘗聘之國餘不告也劉炫

以為玉帛之使謂國家有交好
之國皆告非指奔者之一身
不然則否恩好不

接故亦不告○好呼
報反○公如齊奔喪公親奔喪非

禮也公出朝會奔喪會葬皆書如不言其事史之常

也○陳靈公與孔寧儀行父飲酒於夏氏公謂行父

曰徵舒似女對曰亦似君徵舒病之靈公即位於

今十五年徵舒已為卿年大無嫌是公子蓋以夏姬

淫放故謂其子多似以為戲○夏戶雅
反女音汝公出自其廐

射而殺之二子奔楚○廐居又反
射食亦反○滕人恃晉而不

事宋六月宋師伐滕○鄭及楚平前年敗楚師恐

楚深怨故與之平諸侯之師伐鄭取成而還○秋劉

康公來報聘報孟獻子之聘即王季子也其後食

采於劉○師伐邾取繹為子家如齊傳○季文子

初聘于齊齊侯初即位○冬子家如齊伐邾故也

魯侵小恐為齊所討故往謝國武子來報聘報

文子也○楚子伐鄭晉士會救鄭逐楚師于潁北

潁水出河南陽城至下蔡入淮潁水至入淮正義曰釋例曰潁

水出河南陽城縣陽乾山東南經潁川汝陰至淮南下蔡縣入淮也

子家卒鄭人討幽公之亂斲子家之棺而逐其族

以四年弑君故也斲薄其棺不使從卿禮

○斲竹角反

○

○以四至卿禮正義曰喪大記云君大棺八寸屬

六寸禭四寸上大夫大棺八寸屬六寸下大夫大棺

六寸屬四寸士棺六寸然則子家上大夫棺當八寸

今斲薄其棺不使從卿禮耳不知斲薄之使從何禮

也

改葬幽公諡之曰靈

○幽公正義曰諡法動靜亂常曰幽

經十有一年春王正月

夏楚子陳侯鄭伯盟于辰陵

○楚復伐鄭故受盟也辰

陵陳地潁川長平縣東南有辰亭

○復扶又反下復封陳同

公孫歸父會齊人伐莒

○無傳

秋晉侯會狄于欒函

○晉侯往會之故以狄為會主欒

函狄地

○橫才端反函音咸

晉

晉侯至狄地○正義曰凡諸侯聚會魯不與者皆列序諸國

云會于某地上盟于辰陵即其事也狄從諸夏序例亦然僖二十年齊人狄入盟于邢是也此異於彼而

云晉侯會狄是狄在彼地晉往會之故傳說晉大夫欲召狄卻成子勸其勤是晉侯自往故以狄為會主

成十五年會吳于鍾離襄十年會吳于祖其意與此同

冬十月楚人殺陳夏徵舒不言楚子而稱人討賊辭

也

陳

不言至辭也○正義曰討賊辭者言弑君之賊人人皆欲殺之作舉國共殺之文故不言楚

子也襄二十七年衛殺其大夫甯喜亦是討賊但衛人自殺其臣故稱大夫徵舒非楚之臣不得言殺其

大夫諸放殺及執他國之臣皆不言某國大夫者以人臣卑賤故沒其爵號而空書名氏

丁亥楚子入陳

陳

楚子先殺徵舒而欲縣陳後得申叔

時諫乃復封陳不有其地故書入在殺徵舒之後

臣

楚子至之後。正義曰：按傳楚子為陳討夏氏亂，遂入陳殺夏徵舒，轅諸栗門此經先書殺夏徵舒後書入陳者，據先後事實為文。故杜註云：楚子先殺徵舒而欲縣陳，後得申叔時諫乃復封陳，不有其地，故書入陳殺徵舒之後，是其事也。劉炫云：楚子入陳乃殺徵舒，經先書殺徵舒後言入陳者，以楚子本意止欲討賊無心滅陳，及殺徵舒滅陳為縣，後得申叔時諫乃復封陳於例，不有其地，故云入陳言楚人既殺徵舒，楚子乃復入陳，納二子於陳，入陳之文為下納張本。傳言書曰：入陳納公孫寧，儀行父于陳，書有禮也。入納連支，是入為納也。昭八年楚師滅陳，執公子招放于越，殺陳孔奐，彼心欲滅陳，此則主為討賊無心滅陳而復封之。君子善其自悔，故退入陳於下，隱其縣陳之過，若其不然，當云楚子入陳殺夏徵舒，如此則楚子本為入陳，因入方討陳賊，則是惡楚子故書入在殺徵舒之後。

納公孫寧儀行父于陳

二子淫昏亂人也君弑之後

能外託楚以求報君之讐內結強援於國故楚莊得

平步而討陳除弑君之賊於時陳成公播蕩於晉定

亡君之嗣靈公成喪賊討國復功足以補過故君子

善楚復之

○播補質反蕩如字○二子至復之○正義曰二

實罪人也今楚子入陳而納之乃是納罪人也例應

罪楚子而傳言書曰入陳納公孫寧儀行父于陳書

有禮也既善楚子有禮則是恕彼之過故杜迹其合

恕之由言賊討國復是二子之力其功足以補過故

君子善楚復之賈逵云二子不繫之陳絕於陳也惡

其與君淫故絕之善楚有禮也案子糾捷菑皆不繫

國自是例之常賈說非也釋例云賈氏依放穀梁云

稱納者內難之辭納公孫寧儀行父于陳言書有禮

不可言內難也陳縣而見復上下交驩二人雖有淫
 縱之闕今道楚匡陳賊討君葬威權方盛傳稱其禮
 理無所難此先儒說之不安也杜言於時陳成公播
 蕩于晉者此傳云陳侯在晉襄二十五年傳云夏氏
 之亂成公
 播蕩是也

傳十一年春楚子伐鄭及櫟子良曰晉楚不務德而
 兵爭與其來者可也晉楚無信我焉得有信乃從楚

夏楚盟于辰陵陳鄭服也傳言楚與晉狎王盟

力狄反爭鬪之爭焉於楚左尹子重侵宋子

度反夏楚盟本或作楚子重公子嬰齊莊王弟王待諸鄭鄭楚地令

尹薦艾獵城沂艾獵孫叔敖也沂楚邑

○艾五蓋反獵力涉

反沂魚
艾獵孫叔敖○正義曰服虔亦云艾獵
依反
薦賈之子孫叔敖也此年云令尹薦艾獵

明年云令尹孫叔敖明一人也世本艾
獵為叔敖之兄世本多誤本必不然
使封人慮事

國 封人其時主築城者慮事謀慮計功
○慮如字一
音力於反廣

雅云無慮
封人至計功○正義曰周禮封人凡
都邑也
封國封其四疆造都邑之封域者亦如

之大司馬大役與慮事受其要以待考而賞誅鄭云
云慮事者封人也於有役司馬與之屬賦丈尺與其

用人數也是封人主造城邑計度人數此云使封人
故云其時主築城者慮事者謀慮城築之事無則慮

之訖則計功也史書多有無
慮之語皆謂撥度前事也
以授司徒
司徒掌役

量功命日
命作日數分財用
財用築作具平板

榦 榦楨也
○榦古且反亦
作榦楨音貞
榦楨也○正義曰
釋詁云楨榦楨也舍

人曰楨正也築墻所立兩木也榦所以當墻兩邊鄣
 土者也彼楨為榦故謂榦為楨謂墻之兩頭立木也
 板在兩旁即鄣土者即彼文榦也
 平板榦者等其高下使城齊也
 稱畚築

畚盛土器
 盛音成
 畚音木
 程土物
 為作程限
 為于偽
 反又如字

稱畚築程土物
 正義曰畚者盛土之器築者築
 土之杵司馬法輦車所載二築是也稱畚築者量
 其輕重均負土與築者之力也程土物

謂鍤饗畚輦之屬為作程限備豫也
 議遠通均

勞逸略基趾
 趾城足略行也
 趾音止
 具餼糧

餼乾食也
 餼音候糧音良乾食如
 字一音嗣本或作乾飯
 度有司
 謀監

主
 度待洛反
 事三旬而成
 十日為旬不愆于素

不過素所慮之期也傳言叔敖之能使民
 愆起
 度反

○晉卻成子求成于衆狄衆狄疾赤狄之役遂服于

晉音路赤狄潞氏最强故服役衆狄音路秋會于欒函

衆狄服也是行也諸大夫欲召狄卻成子曰吾聞之

非德莫如勤非勤何以求人能勤有繼其從之也

勤則功繼之詩曰文王既勤止詩頌文王勤以創

業亮反○創初文王猶勤况寡德乎○冬楚子爲陳夏氏

亂故伐陳爲于十年夏徵舒弑君偽反謂陳人無動

將討於少西氏少西少西徵舒之祖子夏之名照反○少詩

以夏爲氏知子夏是字少西是名言少西氏者氏

卷之三十三

猶家也言將討少西之家遂入陳殺夏徵舒輶諸栗門輶車裂

也栗門陳城門音患因縣陳音患滅陳以為楚縣陳侯

在晉音靈公子成公午申叔時使於齊反復命而退

王使讓之曰夏徵舒為不道殺其君寡人以諸侯討

而戮之諸侯縣公皆慶寡人音楚縣大夫皆僭稱公

○使所吏反以諸侯討而戮之○正義曰經無諸

僭子念反侯而云以諸侯討之諸侯皆慶者時

有楚之辱國從行也十二年邲之戰經不書唐而傳

云唐侯為左拒昭十七年長岸之戰經不書隨而傳

言使隨人守舟明此時亦有女獨不慶寡人何故對

諸侯但為楚私屬不以告耳

曰猶可辭乎王曰可哉曰夏徵舒弑其君其罪大矣

討而戮之君之義也抑人亦有言曰牽牛以蹊人之

田抑辭也蹊徑也而奪之牛牽牛

以蹊者信有罪矣而奪之牛罰已重矣諸侯之從也

曰討有罪也今縣陳貪其富也以討召諸侯而以貪

歸之無乃不可乎王曰善哉吾未之聞也反之可乎

曰吾儕小人所謂取諸其懷而與之也叔時謙言

小人意淺謂譬如取人物於其懷而還之為愈於不

還儕仕皆反輩也乃復封陳鄉取一人焉以歸謂之夏州

州鄉屬示討夏氏所獲也復扶又反謂之夏州

義曰謂之夏州者討夏氏鄉取一人以歸楚而成一州故謂之夏州

故書曰楚子入陳

納公孫寧儀行父于陳書有禮也

沒其縣陳本意

全以討亂存國為文善其得禮

沒其至得禮○正義曰言入陳納

人為有禮也直言入陳納人是沒其縣陳本意言陳國見存入而納此人耳是全以討亂存國為文所以

善其得禮 ○厲之役鄭伯逃歸 蓋在六年自是楚未得

志焉鄭既受盟于辰陵又微事于晉 為明年楚圍

鄭傳十年鄭及楚平既無其事辰陵盟後鄭微事晉

又無端跡傳皆特發以明經也自厲之役鄭南北無

屬故未得志九年楚子伐鄭不以黑壤與伐遠稱厲

之役者志恨在厲役此皆傳上下相包通之義也

○微

古堯

疏

為明至義也。正義曰：十年鄭及楚平既

謂經所無也。傳若不發此語，不知楚以何故明年忽
然圍鄭。為此特發此傳，以明後年圍鄭之經也。自厲
役以來，鄭南北兩屬，不專心於楚，故楚未得志而明
年圍之。七年，晉為黑壤之會，鄭伯在焉。厲役在黑壤
之前，九年，傳言楚子為厲之役，故伐鄭。事在黑壤之
後，而彼傳不以黑壤與伐而遠稱厲之役者，楚子之
志所恨在於厲役，逃歸不亦壤會晉故也。上指厲
下指辰陵中包黑壤此為上不相包通之義也。



諸暨圖書館
— ZHUJI LIBRARY —



诸暨图书馆
— ZHUJI LIBRARY —